

四庫全書

經部

欽定四庫全書

經部

儀禮注疏卷十六

詳校官監察御史<sub>臣</sub>曹坦

刑部郎中<sub>臣</sub>許兆椿覆勘

覆校官待詔<sub>臣</sub>胡士震

校對官中書<sub>臣</sub>王鍾泰

謄錄監生<sub>臣</sub>熊濂

欽定四庫全書

儀禮注疏卷十六

漢鄭氏注 唐陸德明音義 賈公彥疏

少牢饋食禮第十六

少牢饋食之禮注禮將祭祀必先擇牲繫于牢而芻之

羊豕曰少牢諸侯之卿大夫祭宗廟之牲音義少詩召反後放

此疏釋曰自此盡如初儀論卿大夫祭前十日先筮日

之事注釋曰云禮將祭祀必先擇牲繫于牢而芻之者案周禮地官充人職云掌繫祭祀之牲牲祀五帝則繫于牢芻之三月享先王亦如之注云牢閑也必有

閑者防禽獸觸齧養牛羊曰芻三月一時節氣成案楚語諸侯卿大夫等雖不得三月亦皆有養牲之瀆故鄭據馬言芻之唯據羊若豕則曰豢故地官藁人職云掌豢祭祀之犬樂記亦云豢豕作酒非以為禍不言豕曰豢文略也云羊豕曰少牢者對三牲具為大牢若然豕亦有牢稱故詩公劉云執豕于牢下經云上利升牢心古注云牢羊豕也是豕亦稱牢也但非一牲即得牢稱一牲即不得牢名故郊特牲與特牲士皆不言牢也

○日用丁巳注內事用柔日必丁巳者取其令名自丁寧自變改皆為謹敬必先諏此日明日乃筮音義

己音紀注

皆同諏疏注釋曰云內事用柔日曲禮文彼云外事以子須反疏剛日內事以柔日內事為冠婚祭祀出郊為外事謂征伐巡守之等若然甲丙戌庚壬為剛日乙丁巳辛癸為柔日今直言丁巳者鄭云取其令名自丁寧



自變改皆為謹敬之義故也云必先諏此日明日乃筮者以其舉事尚朝旦不可今日謀日即筮是以此文云日用丁巳乃云筮旬有一筮旬有一日注旬十日也以日是別於後日乃筮也

先月下句之已筮來月上旬之已疏

注釋曰知旬為十日者此云旬有一

日以先月下句之已筮來月上旬之已者除後已之前通前已為十日十日為齊後已日則祭若然筮日即齊乃可故下文筮日即云乃官戒不云厥明也即直云下句已上句已據用已一日而言若用丁言先月下句丁筮來月上旬丁若丁已之外辛巳之等皆然鄭必筮於言來月上旬不用中旬下旬者亦是先近日故也筮於廟門之外主人朝服西面于門東史朝服左執筮右抽上韝兼與筮執之東面受命于主人注史家臣主筮事

者音義

朝直遙反後朝服疏釋曰云主人朝服西面于皆放此贛徒木反門東者此為將筮故西面

案下文為期于廟門外主人門東南面注云主人不西面者大夫尊於諸臣有君道也彼不為卜筮之事故主人南面也又主人朝服者為祭而筮還服祭服是以上篇特牲筮亦服祭服玄端以此而言天子諸侯為祭卜筮亦服祭服案司服云享先王則衮冕祭義云易抱龜南面天子衮冕北面雖有明知之心必進斷其志焉是為祭而卜還服祭服則諸侯為祭卜筮服祭服可知若為他事卜筮則異於此孝經注云卜筮冠皮弁衣素積百王同之不改易士冠主人朝服注云尊著龜之道是也注釋曰云史家臣主筮事者案雜記大夫士筮亦云史練冠長衣是

主人曰孝孫某來日丁亥用薦歲事于

皇祖伯某以某妃配某氏尚饗注丁未必亥也直舉一

日以言之耳禘于大廟禮曰日用丁亥不得丁亥則己亥辛亥亦用之無則苟有亥焉可也薦進也進歲時之祭事也皇君也伯某且字也大夫或因字為諡春秋傳曰魯無駭卒請諡與族公命以字為展氏是也其仲叔季亦曰仲某叔某季某某妃某妻也合食曰配某氏若言姜氏子氏也尚庶幾饗歆也音義大廟音泰下大筮大祝皆同疏

注釋曰云丁未必亥也直舉一日以言之耳者以日有十辰有十二以五剛日配六陽辰以五柔日配六陰辰若云甲子乙丑之等以日配辰丁日不定故云丁未必亥經云丁亥者不能具載直舉一日以丁當亥而言餘

或以己當亥或以丁當丑此等皆得用之也云禘于大廟禮曰日用丁亥者大戴禮文引之證祭用丁亥之義也云不得丁亥則己亥辛亥亦用之者鄭云此吉事先近日唯用上旬若上旬之內或不得丁己以配亥或上旬之內無亥以配日則餘陰辰亦用之故春秋宣八年經書辛己有事於大廟文二年經書八月丁卯大事于太廟昭十五年經書二月癸酉有事于武宮桓十四年己亥嘗此等皆不獨用丁己之日與亥辰也云無則苟有亥焉可也者此即乙亥是也必須亥者案月令云乃擇元辰天子乃耕注云元辰蓋郊後之吉亥也陰陽式瀆亥為天倉祭祀所以求福宜稼于田故先取亥上旬無亥乃用餘辰也云伯某且字也者以某在伯下若某在子上者某是伯仲叔季以某且字不得在子上故也云大夫或因字為諡者謂因二十冠而字為諡知者以某且字者觀德明功若五十字以伯仲人人皆有非功德之事故知取二十冠而字為諡也春秋者案隱八年

左氏傳云無駭卒羽父請諡與族公問族於衆仲衆仲對曰天子建德因生以賜姓昨之土而命之氏諸侯以字為諡因為族公命以字為展氏彼無駭之祖公子展以展為字在春秋前其孫無駭取以為族故公命為展氏若然無駭賜族不賜諡引之者大夫有因字為諡諡伯某某或且字有諡者即某為諡也此經云伯某是正祭之稱也若時有告請而非常祭祀則去伯直云且字言某甫則聘禮賜饗唯羹鉶筮一尸若昭若穆僕為祝祝曰孝孫某薦嘉禮于皇祖某甫是也若卿大夫無諡正祭與非常祭一皆言五十字在子士與士正祭禮同則云某子故聘禮記云皇考某子是也特牲士禮無諡正祭稱皇考某子若士告請之祭則稱且字故士虞記云適爾皇史曰諾西面于門西抽下贛左執筮右兼祖某甫是也

執贛以擊筮注將問吉凶焉故擊之以動其神易曰著

之德國而神疏

釋曰云史曰諾西面于門西者謂既云諾乃之于門西闕外西面述命乃筮也

云左執筮及下云擊筮者皆是著以其用著為筮因名著為筮云兼執籒者上文已用右手抽上籒此經又用右手抽下籒是二籒無執之也注釋曰云易曰著之德國而神者鄭彼注云著形圓而可以立變化之數故謂之神也引之者證著

遂述命曰假爾大筮有常孝孫

有神故擊而動之也

某來日丁亥用薦歲事于皇祖伯某以某妃配某氏尚

饗注述循也重以主人辭告筮也假借也言因著之靈

以問之常吉凶之占繇音義

重直用反疏釋曰云遂述繇直又反

命者史既受主人命乃右還向闕外西面遂述上主人之辭謂之述命訖乃連言曰假爾大筮有常此是即席西面命筮與

述命同為一辭者對士喪禮卜葬日云不述命若述命即與即席西面命龜異鄭注云述命命龜異龜重威儀多也對此大夫少牢述命命筮同筮輕威儀少為文也注釋曰云常吉凶之占繇者謂應凶告吉應吉告凶則不常此吉凶之占依龜之繇辭繇辭乃釋贛立筮注卿則占龜之常若易之爻辭以占筮也

大夫之著長五尺立筮由便疏

注釋曰云卿大夫之著長五尺者大戴禮三正

記皆有此文立筮由便以其著長立筮為便對士之著三尺坐筮為便若諸侯著七尺天子著九尺立筮可知

卦者在左坐卦以木卒筮乃書卦于木示主人乃退占

注卦者史之屬也卦以木者每一爻畫地以識之六爻

備書於板史受以示主人退占東面旅占之疏

注釋曰云卦者

史之屬也者以其筮是史故知卦者是史之屬也云書於板者釋經書卦于木木即板也云史受以示主人者以經書卦是畫卦者恐是卦者以示於主

吉則史贖筮

史兼執筮與卦以告于主人占曰從注從者求吉得吉

之言疏

注釋曰以主人之祭本以求吉今以疑而問筮筮而得吉是從主人本心故曰從者是求吉得

吉也乃官戒宗人命滌宰命為酒乃退注官戒戒諸官

也當共祭祀事者使之具其物且齊也滌既濯祭器埽

除宗廟音義

滌大歷反共音恭齊側皆反疏注釋曰云下同既古愛反一本作濯官戒戒諸

官也當共祭祀事者使之具其物且齊也滌既濯祭器埽除宗廟者此其筮祭日得吉當以崇祭事故知官戒



戒諸官有此數事此等事皆見於下文故鄭總而言也若不吉則及遠日又筮日

如初注及至也遠日後丁若後已疏

注釋曰云遠日後丁若後已者案上

曲禮云喪事先遠日吉事先近日近日即上旬丁己不吉則至上旬又筮中旬丁己不吉至中旬又筮下旬丁

己不吉則止不祭以其卜筮不過三也是以鄭云後丁若後己也

○宿注宿讀為肅肅

進也大夫尊儀益多筮日既戒諸官以齊戒也至前祭

一日又戒以進之使知祭日當來古文宿皆作羞疏釋

自此盡改筮尸論筮尸宿尸及宿諸官之事注釋曰云大夫尊儀益多者其大夫宿戒兩有士有宿而無戒是

儀畧故云大夫儀多也此直是儀益多而云益多者據士尸一宿下文大夫尸再宿是儀益多猶云彌多也

此云前祭一日又戒以進之使知祭日當來并下文明日朝服筮尸竝是前祭一日唯下文前宿一日宿戒尸者是前祭二日以言前宿前宿一日宿戒尸注皆肅諸

官之日又先肅尸者重所用為尸者又為將筮音義又

于偽疏

注釋曰云皆肅諸官之日者解經宿是肅諸官之日云又先肅尸者總解經前宿一日宿戒尸

謂是肅諸官之日前又先肅尸校一日當祭前二日也云重所用為尸者肅諸官惟一肅尸有再肅是重所用

為尸者故也云又為將筮者亦是肅之使知祭日當來故也若然宿與戒前後名不同今合言之者以前有十

日之戒後有一日之宿若單言戒嫌同十日若單言宿嫌同一日故宿戒並言明其別也或可比是初戒尸云

宿戒尸者故加明日朝筮尸如筮日之儀命曰孝孫某宿字於戒上也

來日丁亥用薦歲事于皇祖伯某以某妃配某氏以某之某為尸尚饗筮卦占如初注某之某者字尸父而名

尸也字尸父尊鬼神也不前期三日筮尸者大夫下人

君祭之朝乃視濯與士異疏

注釋曰云某之某者字尸父而名尸也者案曲禮云

父在不為尸注云為其失子道然則尸卜筮無父者若然凡為人尸者父皆死矣死者當諱其名今對尸故知不稱尸父之名故上某是尸之父字下某為尸名是生者可稱名是以云字尸父而名尸也云字尸父尊鬼神也者以不稱名是尊鬼神也云不前期三日筮尸者大夫下人君者決上篇特牲士禮云前期三日筮尸此祭前一筮尸吉遂宿尸不同之事但天子諸侯前期十日卜得吉日則戒諸官散齋至前祭三日卜尸得吉又

戒宿諸官使之致齋士卑不嫌故得與人君同三日筮尸但下人君不得散齋七日耳大夫尊不敢與人君同直散齋九日前祭一日筮宿尸并宿諸官致齋也云祭之朝乃視濯與士異者亦是士卑得與人君同祭前一日視濯大夫尊不敢與人君同故與士異也云與士異亦是下人君下人君亦是與士異互換省文為義也

吉則乃遂宿尸祝擯注筮吉又遂肅尸重尸也既肅尸

乃肅諸官及執事者祝為擯者尸神象疏

注釋曰云筮吉又遂肅尸

重尸也者以其諸官一肅其尸已宿訖今筮吉又肅再肅者是重尸者也云既肅尸乃肅諸官及執事者此重解上文宿是此宿尸後事實置於上文者彼為前宿一日宿戒尸之事故云其實當在此重肅尸之後也云祝為擯者尸神象者決前筮尸時皆主人出命至此使祝擯以尸是神象故使祝擯也案特牲使宗人擯主人辭又

有祝共傳命者士卑不嫌兩有與人居同此大夫尊下  
人君故闕之唯有祝殯而已又此尸不言出門面位案  
特牲主人宿尸時尸如主人服出門左西面鄭注云不  
敢南面當尊則大夫之尸尊尸出門徑南面故主人與  
尸皆不在門  
東門西也 主人再拜稽首祝告曰孝孫某來日丁亥

用薦歲事于皇祖伯某以某妃配某氏敢宿注告尸以

主人為此事來尸拜許諾主人又再拜稽首主人退尸

送揖不拜注尸不拜者尸尊疏

注釋曰凡賓主之禮賓去主人皆拜送今云尸

送揖不拜者以大夫尸尊故也

若不吉則遂改筮尸注即改筮之不及

遠日疏

注釋曰此決上文筮日不吉筮遠日者以日為祭祀之本須取丁己之類故須取遠日後旬丁

已此筮尸不吉不須退至後旬故筮不待遠日也

○既宿尸反為期于廟門之

外注為期肅諸官而皆至定祭早宴之期為期亦夕時

也言既肅尸反為期明大夫尊肅尸而已其為賓及執

事者使人肅之疏

釋曰自此盡曰諾乃退論宗人請祭期之事注釋曰云為期肅諸官而皆

至者此即上文宿同時之事以其後宿尸及宿諸官以

為期皆於祭前之日也知期亦夕時也者衆特往云厥

明夕陳鼎於門外又下文同日夕時而云請期曰羹飪

是夕時則此大夫禮為期亦夕時可知也知大夫尊直肅尸餘使人肅之者以經文宿尸反即云為期主人門

明大夫不自肅賓以下可知故云使人肅之也

東南面宗人朝服北面曰請祭期主人曰比於子注比

次早晏在於子也主人不西面者大夫尊於諸官有君

道也為期亦唯尸不來也音義

比毗志反次也注同

疏

注釋曰言比次早晏

者一日一夜辰有十二冬日夏夜長短不同是以推量此次日辰之早晏也云主人不西面者大夫尊於諸官有君道也者決特牲主人門外西面士卑於屬吏無君道故也云為期亦唯尸不來也者言亦特牲為期時賓及衆賓即位于門西時無尸此大夫禮餘賓之等宗人並來亦唯尸不來是以主人南面亦為無尸也

曰旦明行事主人曰諾乃退注旦明旦日質明○明日

主人朝服即位于廟門之外東方南面宰宗人西面北

上牲北首東上司馬剗羊司士擊豕宗人告備乃退注

剗擊皆謂殺之此實既省告備乃殺之文互者省文也

尚書傳羊屬火豕屬水音義

剗反苦疏釋曰自此盡東榮

案特牲視牲與視殺別日今少牢不言視牲直言剗擊告備乃退者省文此大夫禮視牲告充即剗擊殺之下

人君士卑不嫌故異日矣必知人君視殺別日者大宰職云及執事祗滌濯及納亨贊王牲事注云納亨納牲

將告殺謂鄉祭之晨既殺以授亨人又云及祀之日贊玉幣爵之事注云日旦明也是其視牲與殺別日案祭

義云君牽牲穆答君卿大夫序從既入門麗于碑卿大夫袒而毛牛尚耳諸侯禮殺于門內此大夫與特牲士

皆殺于門外者辟人君也注釋曰云剗擊皆謂殺之者豕言擊動之使鳴是視牲也羊言剗謂殺之是視殺也

大夫視牲視殺同日故互見皆有故鄭云剗擊皆謂殺之又云此實既省告備乃殺之文互者省文也者亦是



視牲訖即視殺如鄉所解下言告備欲見兼有也云尚  
書傳曰羊屬火豕屬水者此尚書大傳文引之者解司  
馬封羊以其司馬火官還使封羊屬火故也案周禮鄭  
注司空奉豕司士乃司馬之屬官今不使司空者諸侯  
猶兼官大夫職職相兼況士無官僕隸為  
司馬司士兼其職可知故司士擊豕也 ○雍人概鼎

匕俎于雍爨雍爨在門東南北上注雍人掌割烹之事

者爨竈也在門東南統於主人北上羊豕魚腊皆有竈

竈西有鑊凡概者皆陳之而後告絜音義

概古疏注釋  
爨反

雍人掌割烹之事者周禮饗人職文云凡概者皆陳之  
而後告絜者案特牲視濯時皆陳之視訖告絜此亦當

然廩人概甑甗匕與敦于廩爨廩爨在雍爨之北注廩

人掌米入之藏者甌如甌一孔匕所以匕黍稷者也古

文甌為烝音義

甌子孕反甌魚展反又音言劉音彥又魚變反敦音對劉都愛反後皆放此烝

之膺

疏

注釋曰云康人掌米入之藏者周禮地官康人職文以其穀入倉人米入康人故也云甌如甌

一孔者案冬官陶人職云甌實二鬴厚半寸脣寸七穿鄭司農云甌無底甌以其無底

故以一孔解之云匕所以匕黍稷者也者上雍人司宮云匕者所以匕肉此康人所掌米故云匕黍稷也

概豆籩勺爵觚解几洗筐于東堂下勺爵觚解實于筐

卒概饌豆籩與筐于房中放于西方設洗于阼階東南

當東榮注放猶依也大夫攝官司宮兼掌祭器也音義

放方疏釋曰案特性云宗人升自西階視壺濯及豆籩

往反疏反降東北面告濯具鄭注云不言絜以有几席

若然彼几席不概則几洗篚三者亦不概而并言之者

以其同降于東堂下故繼解連言之其實不概也注

釋曰云大夫攝官司兼掌祭器者下文司宮筵神席

於奧此又掌豆籩之等故鄭云攝官案內則鄭注云諸

卿兼官者彼對天子天子六卿諸侯具官大夫攝官也

卿此則大夫對諸侯諸侯具官大夫攝官也○羹定

雍人陳鼎五三鼎在羊鑊之西二鼎在豕鑊之西注魚

腊從羊膚從豕統於牲音義定多疏釋曰自此盡簞巾

豆籩盤匱等之事注釋曰云魚腊從羊膚從豕統於牲

者案公食大夫云甸人陳鼎鄭注云甸人豕宰之屬兼

亨人者此大夫雍人陳鼎者周禮甸人掌供薪蒸與亨

饗聯職相通是以諸侯無亨人故甸人陳鼎此大夫又

儀禮注疏

無甸人故使雍人與亨人聯職故亨人云職外內饗之  
饗亨故使饗也云魚腊從羊膚從豕者上文概鼎時鄭  
云羊豕魚腊皆有竈令陳鼎宜各當其鑊此三鼎在羊  
鑊之西二鼎在豕鑊之西故云魚腊從羊膚從豕也其  
實羊豕魚腊各有鑊也此直有羊豕前注言皆有竈可  
知魚腊皆有竈案士虞禮云側亨於廟門外之右東面  
魚腊饗亞之北上士之魚腊皆有饗則大夫司馬升羊  
魚腊皆有鑊可知故羊豕魚腊皆有竈也

右脾髀不升肩臂膈膊髂正脊一挺脊一橫脊一短脅  
一正脅一代脅一皆二骨以竝腸三胃三舉肺一祭肺  
三實于一鼎注升猶上也上右脾周所貴也髀不升近  
竅賤也肩臂膈肱骨膊髂股骨脊從前為正脅旁中為

正脊先前脅先後屈而反猶器之絳也竝併也脊脅骨

多六體各取二骨併之以多為貴舉肺一尸食所先舉

也祭肺三為尸主人主婦古文脾皆作辯脾皆作脾今

文竝皆為併音義

脾音判脾步禮反又方爾反臠奴到反又人于反膊劉音純說文之允反

駱音格又音各下同胫他頂反絳側耕反後同併疏釋

步頂反辯音遍一皮覓反脾必爾反又婢支反曰

上十一體言一者見其體也下言皆二骨以竝見一體

皆有二骨也注釋曰云脊從前為正脅旁中為正脊先

前脅先後屈而反猶器之絳也者先前者正脊是也先

後者短脅是也故特牲記云尸俎正脊二骨橫脊長脅

二骨短脅鄭注云脊無中脅無前貶也明代脅最在前

也脊先前脅先後者取絳屈之義若然脊以前為正其

次名胾。胾，卻後名。橫胾者，取胾胾然直後言。橫者，取濶於胾。凡名骨皆隨形名之。唯言正者，以義取稱焉。此言絳者，指解脊脊不取肩臂。臑，膊也。若尸舉牲體，則脊脊胛肩為絳。故鄭注：「特性云：舉先正脊後肩自上而卻下。絳而前終始之次也。」故尸舉牲體如絳也。案下注云：「升之以尊卑。」此注云：「猶器之絳也。」若絳則不得見尊卑。若以尊卑升復不得見絳。兩注似乖者，凡牲體四支為貴。故先序肩臂臑膊。胛為上是尊。然後序脊脊於下是卑。次應先言二脅而先言短者，又取絳之義。但所序骨體各有宜，不可准定也。若然，既以尊卑升之而祭肺貴序在下者，腸胃及肺在內，不得與外體為尊卑之次。當以腹內自為先後之次也。云脊脊骨多六體，各取二骨併之以多為貴者，此經肩臂已下皆言一至十一體之下。總言皆二骨，知二骨據脊脊骨多六體各取二骨者，案特牲記：「肩臂臑肱，骼不言二骨。」至序脊脊即言「司士升二骨以竝。」故此言皆二骨亦據脊脊可知也。司士升

豕右胖髀不升肩臂臠膊骼正脊一脰脊一橫脊一短

脊一正脊一代脊一皆二骨以竝舉肺一祭肺三實于

一鼎注豕無腸胃君子不食涸腴音義

涸音患腴羊朱反

疏注

曰云君子不食涸腴禮記少儀文彼注云腴有似於人穢故樂記注云以穀食犬豕曰豢是似人也

雍人

倫膚九實于一鼎注倫擇也膚脅革肉擇之取美者疏

注釋曰知脅革肉者下文云膚九而組亦橫載革順故知膚是脅革肉也

司士又升魚腊魚

十有五而鼎腊一純而鼎腊用麋注司士又升副倅者

合升左右胖曰純純猶全也疏

注釋曰云司士又升副倅者謂是第三組其司

士與前文司士升豕者別知者以下經文司士三人升魚腊膚則此豕魚腊宜各一人又此升鼎宜俱時明是副倅者非升豕者可知云倅者案諸子職云掌國子之倅鄭云是公卿大夫之副貳則此云倅亦副之別名以其副牲鼎故云倅也

卒胥皆設局鼐乃舉陳鼎于廟門之外東

方北面北上注北面上鄉內相隨古文鼐皆為密音

義

胥之承反

司宮尊兩甒于房戶之間同於皆有罍甒有玄

酒注房戶之間房西室戶東也於無足禁者酒戒也大

夫去足改名優尊者若不為之戒然古文甒皆作廡今

文罍作甒音義

甒亡甫反疏注釋曰云於無足禁者酒於據反疏戒也大

夫去足改名優尊



者若不為之戒然者此決特牲用棡仍云禁此改名曰  
棡是優尊者若不為神戒然鄉飲酒雖是大夫禮猶名  
斯禁者尋常飲司宮設罍水于洗東有枓設篚于洗西  
酒異於祭祀也

南肆注枓盥水器也凡設水用罍沃盥用枓禮在此也

音義

枓音主盥九于反劉苦侯反

疏

注釋曰云凡設水用罍沃盥用枓禮在此也者言凡總儀禮一

部內用水者皆須罍盛之沃盥水者皆用枓為之鄭言  
禮在此者以士冠禮直言水在洗東士昏禮亦直言水  
在洗東鄉飲酒特牲記亦云然皆不言罍器亦不云有  
枓其燕禮大射雖云罍水又不言有枓故鄭云凡此等  
設水用罍沃盥用枓其禮具在此故餘文不具省文之義也

改饌豆籩于房中南面

如饋之設實豆籩之實注改更也為實之更之威儀多

也如饋之設如其陳之左右也饋設東面疏

注釋曰前司宮既豆

籩訖饌豆籩放於西方今欲實之乃更設豆籩於房中南面如饋之禮東面設然者此大夫禮威儀多決特牲士禮視濯時豆籩銅在東房至實豆籩時直云豆籩銅陳於房中如初鄭云如初者取而實之既而反之是其不改豆籩之處因而實也

小祝設槃匱與簞巾于西階東

注為尸將盥音義

匱以支反簞音丹

疏

釋曰案特牲直云尸盥匱水實于槃中簞巾在

門內之右不言其人未聞也

知非祝者彼下文始言祝筵几于室中注云至此使祝接神明前非祝也

○

主人朝服即位于阼階東西面注為將祭也

疏釋曰自此盡革

順論祭時將至布設舉鼎匕載之事

○司宮筵于奧祝設几于筵止右之

注布陳神坐也室中西南隅謂之奧席東面近南為右

疏

釋曰案特牲云祝筵几鄭云使祝接神此使司宮者此大夫禮異於士故司宮設神席祝設几大夫官多

故使兩官共其事亦是接神故祝設几也○主人出迎鼎除鼐士盥舉鼎主

人先入注道之也主人不盥不舉疏

注釋曰此決特性主人降及賓盥士

禮自舉鼎此大夫尊不舉故不盥也

司宮取二勺于筐洗之兼執以升乃

啓二尊之蓋霽奠于椬上加二勺于二尊覆之南柄注

二尊兩甔也今文柄為枋音義

枋彼疏注釋曰云二尊命反疏兩甔者即上司

宮尊兩甔于房戶之間是也知二勺兩尊鼎序入雍正

用之者玄酒雖有不酌重古如酌者然也

執一匕以從雍府執四匕以從司士合執二俎以從司

士贊者二人皆合執二俎以相從入注相助音義

相息亮反

陳鼎于東方當序南于洗西皆西面北上膚為下匕皆

加于鼎東枋注膚為下以其加也南于洗西陳於洗西

南疏

釋曰此云膚為下門外陳鼎時不言至此言之者以膚者豕之實前陳鼎在門外時未有俎據鼎所

陳則膚在魚上今將載於俎設之最在後故須分別之也注釋曰云膚為下以其加者以羊無別俎而豕有膚

組故謂之加以為下也云南于洗西陳于洗西南者洗當東滌近東也其陳鼎當東序則近西也而言南

于洗西則鼎陳于洗西稍近俎皆設于鼎西西肆所俎

南東西不得與洗相當也

在羊俎之北亦西肆注所俎在北將先載也異其設文

不當鼎音義

所音

疏

注釋曰云異其設文不當鼎者羊

不繼鼎明不當鼎也若繼鼎言者即在鼎西也

宗人遣賓就主人皆盥于洗長

杙注長杙者長賓先次賓後也主人不杙言就主人者

明親臨之古文杙作匕音義

長丁丈反注同

佐食上利升牢心

舌載于所俎心皆安下切上午割勿沒其載于所俎末

在上舌皆切本末亦午割勿沒其載于所橫之皆如初

為之于爨也注牢羊豕也安平也平割其下於載便也

凡割本末食必正也午割使可絕勿沒為其分散也肺之為言敬也所以敬尸也周禮祭尚肺事尸尚心舌心

舌知滋味今文切皆為扞音義

扞反七疏釋曰言皆如初

經言此者以前實鼎時不見心舌嫌不在爨故明之云皆如初為之于爨皆者羊豕皆有心舌也案特牲記云肺組心舌皆去本末午割之實于牲鼎載心立舌縮組即是未入鼎時則制此心舌然也既未入鼎時先制之是以雖出爨亦得為皆如初爨也注釋曰云凡割本末食必正也者鄉黨孔子云割不正不食故割本末為食正也云肺之為言敬也者郊特牲文彼云肺之為言敬也言所以敬尸也云周禮祭尚肺者禮記明堂位云有虞氏祭首夏后氏祭心殷祭肝周祭肺是周之禮灋祭肺而此肺組不取肺而用心者以其事尸尚心舌心舌

知滋味者故特牲記鄭注亦云心舌知食味者欲尸之饗此祭是以進之若然舌之所嘗五味乃是心之所知酸苦也故心佐食遷肝俎于阼階西西縮乃反佐食二舌併言之

人上利升羊載右胖髀不升肩臂膈膊骼正脊一脰脊一橫脊一短脅一正脅一代脅一皆二骨以竝腸三胃三長皆及俎拒舉肺一長終肺祭肺三皆切肩臂膈膊骼在兩端脊脅肺肩在上注升之以尊卑載之以體次各有宜也拒讀為介距之距俎距脰中當橫節也凡牲體之數及載備於此疏

釋曰升羊載右胖者准例實鼎曰升實俎曰載今實俎而言升

者以其升者上也。是以載組升載兩言之也。但此經所載牲體多少一依上文升鼎不異而重序之者。以其載組之時恐與入鼎時多少有異。故重序之。舉肺祭肺上已言。今又言之者。以其上升鼎時直言舉肺一祭肺三不言。長短上所以不言。長短者。以其入鼎時二者未制。故不辭。長短至此載組乃制。長短者。以其入鼎時二若然。上升鼎時不制者。若升鼎制之。恐二肺離亂。是以升組乃制之。若然。心舌未升鼎時。已午割。勿沒不言。至載組乃言。午割者。彼二者其體殊異。不雜亂。故組乃一辯而已。云肩臂膈膊。肱在兩端。脊脅肺肩在上者。此是在組之次。組有上下。猶牲體有前後。故肩膈膊在上。端肱在下。端脊脅肺在中。其載之次序。肩臂膈膊正脊脰脊橫脊代脊。長脅短脅。肺腸胃膈。肱也。注釋曰。云升之以尊卑者。即上文上利升羊以下序。其在鼎也。云載之以體次者。組灋四體尊於脊脅。即經四體在兩端。脊脅肺在中者。故云各有宜也。云拒讀為介。距之距者。按左氏



傳昭二十五年云季郈之雞鬪季氏介其雞服氏云搏芥子播其雞羽鄭氏云介甲為雞著甲又云郈氏為之金距注云金距以金踏距今鄭君合取季氏之介又取郈氏之距而云介距之距也引之者彼距在雞足為距此組距在組為橫距是也云組距脰中當橫節也者案明堂位云組有虞氏以挽夏后氏以巖殷以棋周以房組注云挽斷木為四足而已巖之言屨也謂中足為橫距之象周禮謂之距彼注云周禮謂之距即指此組距而言是距為組足中央橫者也此言組距脰中當橫節者案明堂位夏后氏以巖謂中足之橫殷之棋謂橫下仍有曲撓之足周之房組謂四足下更有跗鄭云上下兩間有似於堂房是橫下更有二事故言脰中當橫節也云凡牲體之數及載備於此者案此經節折前體肩臂膊兩相為六後體膊脰兩相為四短骨正骨代骨兩相為六脊有三總為十九體唯不數股二通之為二十一體二股正祭不薦於神尸故不言是牲體之數備於

此言及載備於此者上經文升於鼎下利升豕其載如

羊無腸胃體其載于俎皆進下注進下變於食生也所

以交於神明不敢以食道敬之至也鄉飲酒禮進腍羊

次其體豕言進下互相見音義見賢疏注釋曰云進下

決公食大夫鄉飲酒牲體皆進腍腍是本是食生人之

灋此言進末末為終謂骨之終食鬼神灋故云變於食

生也云所以交於神明者郊特牲文云不敢以食道檀

弓文云羊次其體豕言進下互相見者羊次其體即上

經上利升羊以下是次其體言互相見者司士三人升

羊言體亦進下豕言進下亦次其體也

魚腊膚魚用鮒十有五而俎縮載右首進腍注右首進

腴亦變於食生也有司載魚橫之少儀曰羞濡魚者進

尾音義

附 鮒音

疏

凡注釋曰云右首進腴亦變於食生也者

亦首皆在右進腴生人死人所聚故祭在地地道尊  
右攷也鬼神進腴者腴是氣之所聚故祭祀進腴也生  
人進鰭者鰭是脊生人尚味故公食大夫云魚七縮俎  
寢右鄭注云右首也寢右進鰭也乾魚近腴多骨鯁是  
也云有司載魚橫之少儀曰羞濡魚者進尾引之者欲  
見正祭與饋尸載魚禮異又與生人食禮不同以賓尸  
之禮上大夫載魚橫之於人為縮於俎為橫既見乾魚  
則進首可知復取少儀者濡魚進尾見與乾魚異有司  
徹進首是上大夫繹祭饋尸之禮有乾魚橫於俎宜進  
其首則少儀羞濡魚者是天子諸侯繹祭可知以其天  
子諸侯繹祭乾淫皆有乾魚則進首鮮魚則進尾必知  
是天子諸侯繹祭者以其大夫饋尸云加臠祭少儀云

祭牀又與儻尸加牀祭於上同故知義然也

腊一純而俎亦進下肩在上注

如羊豕凡腊之體載禮在此疏

注釋曰以其諸經唯有腊文無升載之事唯有

此經所載之灋故云載禮在此也

膚九而俎亦橫載革順注列載於俎

令其皮相順亦者亦其骨體疏

注釋曰云列載於俎令其皮相順者解經革順

也載革順謂以此膚之體相次而作行列以膚革相順而載也云亦者亦其骨體者上牲體橫載文不明故舉膚亦橫載以明之此膚言橫則○卒胥祝盥于洗升自

西階主人盥升自阼階祝先入南面主人從戶內西面

注將納祭也疏

釋曰自此盡主人又再拜稽首論先設置為陰厭之事也

主婦被錫

衣侈袂薦自東房韭菹醯醢坐奠于筵前主婦贊者一人亦被錫衣侈袂執葵菹羸醢以授主婦主婦不興遂受陪設于東韭菹在南葵菹在北主婦興入于房注被錫讀為髮髻古者或剔賤者刑者之髮以被婦人之紒為飾因名髮髻焉此周禮所謂次也不纚笄者大夫妻尊亦衣綃衣而侈其袂耳侈者蓋半士妻之袂以益之衣三尺三寸袼尺八寸韭菹醯醢朝事之豆也而饋食用之豐大夫禮葵菹在北絳今文錫為緡羸為蝸音義

被錫依注讀為髮髻上皮義反下大計反侈本又作移  
昌爾反醯他感反羸力禾反道側魚反剔他計反紒音  
計纚所買反又所綺反亦衣於既疏釋曰云主婦贊者  
反纚音羊蝸力禾反又工華反  
被錫侈袂與主婦同既一人與主婦同則其餘不得如  
主婦當與士妻同纚笄綃衣若士妻與婦人助祭一皆  
纚笄綃衣以綃衣下更無服服窮則同故特牲云凡婦  
人助祭者同服是也注釋曰云被錫讀為髮髻者欲見  
鬻取人髮為之義也云古者或剔賤者刑者之髮以  
被婦人紒為飾因名髮髻焉者此解名髮髻之意按哀  
公十七年左傳衛莊公登城望戎州見已氏之妻髮美  
使髡之以為呂姜髡是其取賤者髮為髻之事也云此  
周禮所謂次也者案周禮追師云掌王后以下副編次  
三翟者首服副鞠衣禮衣首服編祿衣首服次鄭彼注  
副首飾若今步搖編編列髮為之若今假紒次次第髮  
長短為之所謂髮髻鄭云所謂髮髻者指此文也是彼

此相曉也云不纚笄者大夫妻尊者此決特牲主婦纚  
笄士妻卑故也云亦衣綃衣者亦如特牲士妻主婦綃  
衣也綃衣者六服外之下者云而侈其袂耳侈者蓋半  
士妻之袂以蓋之衣三尺三寸袂尺八寸者士妻之袂  
二尺二寸袂尺二寸三分蓋一故衣三尺三寸袂尺八  
寸也故內司服注亦為此解也或云衣三尺三寸或云  
袂俱合義是以喪服記亦名袂為衣也云韭菹醢醢朝  
事之豆也者案周禮醢人職朝事之豆韭菹醢醢朝  
麋藿菁菹鹿藿茆菹麋藿彼天子八豆今大夫取二豆  
為饋食用之豐大夫禮故也若然葵菹醢醢亦天子饋  
食之豆今大夫用之鄭不言者彼饋食當具節天子八  
豆此大夫取二而已故不須言之云葵菹在北絳者以  
其韭菹在南醢醢在北今於次東葵佐食上利執羊俎  
菹在北羸醢醢在南是其絳之次也

下利執豕俎司士三人執魚腊膚俎序升自西階相從

入設俎羊在豆東豕亞其北魚在羊東腊在豕東特膚

當俎北端注相助也音義

亮相悲反

主婦自東房執一金敦

黍有蓋坐設于羊俎之南婦贊者執敦稷以授主婦主

婦興受坐設于魚俎南又興受贊者敦黍坐設于稷南

又興受贊者敦稷坐設于黍南敦皆南首主婦興入于

房注敦有首者尊者器飾也飾蓋象龜周之禮飾器各

以其類龜有上下甲今文曰主婦入于房疏

注釋曰敦有首者尊

者器飾也飾蓋象龜知有此義者以其經曰敦南首明象龜獸之形故云首知象龜者以其蓋形龜象故也云



周之禮飾器各以其類者案周禮梓人云外骨內骨以  
脰鳴者以胃鳴者之類鄭云刻畫祭器博庶物也又周  
禮司尊彝有雞彝之等是周之禮飾器各以其類也云  
龜有上下甲者欲言此敦蓋取象之意以龜有上下甲  
故敦蓋象之是亦取其類也敦蓋既象龜明簋亦象龜  
為之故禮器云管仲鏤簋朱紘注云謂刻而飾之大夫  
刻為龜耳諸侯飾以象天子飾以玉言以玉飾之還依  
大夫象形為飾也天子則簋敦兼有九嬪職云凡祭祀  
贊玉盞注云玉盞玉敦受黍稷器是天子八簋之外兼  
用敦也特性云佐食分簋銅注云為將餽敦有虞氏之  
器也周制士用之變敦言簋容同姓之士得從周制耳  
則同姓大夫亦用簋特性少牢用敦者異姓大夫士也  
明堂位云有虞氏之兩敦夏后氏之四璉殷之六瑚周  
之八簋鄭注云皆黍稷器制之異同未聞案周禮舍人  
注圖曰簋孝經注直云外方曰簋者據外而言若然云  
未聞者據殷已上未聞周之簋則聞矣故易損卦云二

簋可用享注云離為日日圓與為木木器象是其周器有闕也孝經緯鉤命決云敦規首上下圓相連簋簋上圓下方濶陰陽是有聞而鄭云未聞者鄭不信之故也祝酌奠遂命佐食啓會佐

食啓會蓋二以重設于敦南注酌奠酌酒為神奠之後

酌者酒尊要成也特牲饋食禮曰祝洗酌奠奠于鉶南

重累之音義

會容反古外反重直疏注釋曰酌奠酌酒為神

得為陰厭為神不為尸故云為神奠之也云後酌者酒尊要成也者上經先設餘饌此經乃酌者酒尊物設饌要由尊者成故後設之也引特牲者酌奠之處當在鉶南此經不言故引為證也云重累之者以黍稷各二二

者各自當重累於敦南欲合之也

主人西面祝在左主人再拜稽首祝

祝曰孝孫某敢用柔毛剛鬣嘉薦普淖用薦歲事于皇

祖伯某以某妃配某氏尚饗主人又再拜稽首注羊曰

柔毛豕曰剛鬣嘉薦菹醢也普淖黍稷也普大也淖和

也德能大和乃有黍稷春秋傳曰奉粢以告曰潔粢豐

盛謂其三時不害而民和年豐也音義祝祝下之又反

孝疏注釋曰云羊曰柔毛豕曰剛鬣下曲禮文羊肥則

反疏毛豕豕肥則鬣剛也彼注云號牲物者異於人用

也引春秋傳者證黍稷大和之義案彼左氏桓六年傳

文楚武王使隨使遠章求成焉軍於瑕以待之隨人使

少師入楚軍董成楚以羸師而納少師少師還請追楚

師季梁止之曰

天方授楚楚之羸其誘我也臣聞小之

能敵大也。小道大淫。所謂道忠於民而信於神也。上思利民，忠也。祝史正辭信也。令民餒而君逞欲，祝史矯舉以祭，臣不知其可也。公曰：「吾牲牷肥腍，粢盛豐備，何則不信？」對曰：「夫民神之主也。是以聖王先成民而後致力於神，故奉牲以告曰『博碩肥腍』，謂民力之普存也。奉盛以告曰『潔粢豐盛』，謂其三時不害而民和年豐也。則此

之所言隨季梁辭也。

○祝出迎尸于廟門之外，主人降立于阼階

東西面，祝先入門，右尸入門，左。注：主人不出迎尸，伸尊也。特牲饋食禮曰：尸入，主人及賓皆辟位，出亦如之。祝

入門，右者，辟尸盥也。既則，後尸音義。

辟音避。又房疏釋曰：盆反，下同。

自此盡牢肺正脊加于胙，論尸入正祭之事。注釋曰：云主人不出迎尸，伸尊也。者，禮記云：君迎牲而不迎尸，別

嫌也尸在廟門外則疑於臣在廟中則全於君故主人皆不出迎尸尸在廟門外為臣道故主人不出迎尸伸尊也引特牲者尸出入時主人與賓在位上皆逡巡辟位敬尸也云既則後尸者下經云祝延尸尸升自西階相之曰延是後尸也宗人奉槃東面于庭南一宗人奉

匱水西面于槃東一宗人奉簞中南面于槃北乃沃尸

盥于槃上卒盥坐奠簞取巾興振之三以授尸坐取簞

興以受尸巾注庭南沒霤音義

奉芳疏注釋曰庭南者勇反於庭近南是沒

盡門屋霤近門而盥也是以特牲亦云尸

祝延尸尸升

自西階入祝從注由後詔相之曰延延進也周禮曰大

祝相尸禮祝從從尸升自西階疏

注釋曰周禮曰大祝相尸禮者案職云相

尸禮注云延其出入詔其坐作是也

主人升自阼階祝先入主人從注祝

接神先入宜也○尸升筵祝主人西面立于戶內祝在

左注主人由祝後而居右尊也祝從尸尸即席乃卻居

主人左疏

注釋曰祝先入至主人入而居祝之右者以祝從尸後詔侑之故在尸後主人前及尸即

筵主人與祝西面則主人尊故也云祝從尸尸祝主人即席乃卻居主人左者解祝在先居左之意也

皆拜安尸尸不言尸答拜遂坐注拜安尸拜之使安坐

也尸自此答拜遂坐而卒食其間有不啐奠不嘗鉶不

告旨大夫之禮尸彌尊也不告旨者為初亦不饗所謂

曲而殺音義

安他果反

疏注釋曰案爾雅安安坐也故云拜

啐酒告旨主人拜尸答拜祭銅嘗之告旨不得遂坐此

經云答拜遂坐

鄭解其遂坐而卒食之意以其間有不

啐奠不嘗銅不告旨也大夫之禮尸彌尊故無數事特

牲所云嘗銅

謂嘗豕銅此不嘗銅亦謂不嘗豕銅也知

此不嘗豕銅者案下云嘗羊銅故知不嘗豕銅也不告

旨者既不啐奠

故無告也言彌尊者即不啐奠已尊又

不嘗銅不告旨是彌尊也云不告旨者為初亦不饗者

案特牲迎尸

即席坐主人拜安尸答拜執奠祝饗主

人拜如初注云饗勸強之也其辭取於士虞記則宜云

孝孫某圭為而

孝薦之饗是士賤不嫌得與人君同大

夫尊嫜與人君同故初不饗後亦不告旨故云不告旨

者為初亦不饗也

云所謂曲而殺者禮器文彼注云謂

若父在為母期不得申大夫不得者亦不得申故引為證若然而曲而殺為初不饗而言也祝反南面

注未有事也墮祭爾敦官各肅其職不命音義墮許規反劉相

規反疏注釋曰云未有事也者釋祝反南面也云墮祭下同爾敦文在下經官各肅其職不命者言祝無事

之義案宿諸官各肅其事尸取韭菹辯換于三豆祭于

豆間上佐食取黍稷于四敦下佐食取牢一切肺于俎

以授上佐食上佐食魚與黍以授尸尸受同祭于豆祭

注牢羊豕也同合也合祭於菹豆之祭也黍稷之祭為

墮祭將食神餘尊之而祭之今文辯為偏音義辯音遍

換如悅



反劉而疏

注釋曰云黍稷之祭為墮祭者肺與黍稷俱得為墮故周禮守祧職既祭則藏其墮墮中

豈不能魚肺肺與黍稷俱祭于苴上既藏之明肺與黍稷器不動人就器減取之故特得墮名舉肺則全取因上絕之不得墮稱及其藏之并有墮名也云將食神餘尊之而祭之者謂陰厭是神食後尸來即席食尸餽鬼神之餘故尸亦尊神而祭之以其凡祭者皆不是盛主人之饌故以祭之為尊也

牢肺正脊以授尸上佐食爾上敦黍于筵上右之注爾

近也或曰移也右之便尸食也重言上佐食明更起不

相因音義

重直用反疏注釋曰曲禮云飯黍無以箸是古者飯食不用匙箸若然器即不動器中

取之故移之於席上便尸食也云重言上佐食明更起不相因者前舉尸牢肺時坐而取之興以授尸不因此

坐取肺即爾敦黍明更坐爾黍而起不因前坐也黍特牲黍稷此及虞皆不云稷者此後皆黍稷連言明并黍稷食之不虛陳而不食不言爾主人羞肝俎升自阼階之者文不具其實亦爾之也

置于膚北注羞進也肝敬也親進之主人敬尸之加疏

注釋曰郊特牲訓肝為敬今此主人親進之故鄭云敬尸之加以其為尸特加故云加也若然特牲三俎魚從豕俎故肝在腊北此五俎有膚俎故肝在膚北上佐食羞兩鉶取一羊鉶于房

中坐設于韭菹之南下佐食又取一豕鉶于房中以從上佐食受坐設于羊鉶之南皆芼皆有柶尸扱以柶祭羊鉶遂以祭豕鉶嘗羊鉶注芼菜也羊用苦豕用薇皆

有滑音義

毛亡報反 杻音四扱初洽反

疏

注釋曰芼菜者菜是地之毛知羊用苦豕用薇皆有

滑者案公食大夫記云

芼

食舉注舉牢肺正脊也先

牛藿羊苦豕薇皆有滑是也

食啗之以為道也音義先食作飲飯者疏釋曰此食舉皆非啗大敢反

特牲食舉在羞肝之上不同者彼特牲食舉下乃云羞

所俎者是其正以食舉後尸即齊幹之屬即加於肝俎

故食舉後即進肝是正也此食舉不在羞肝之上上佐

食羞銅羹尸祭銅訖乃得食舉故退食舉在祭銅之下

又不退羞肝在食舉下者由主人敬尸故不退在下也

特牲爾敦下設大羹此不云者大羹不為神直是為尸

者故此不言儋尸

乃有也注釋曰云舉牢肺正脊也者

上文云上佐食舉尸牢肺正脊以授尸尸受祭明令食

先云食舉是上牢肺正脊也云先食啗之以為道也者

案特牲舉肺脊以授尸尸受振祭齊之左執之注肺氣

義禮主疏

三

之主也脊體之貴也先食三飯注釋曰知

啗之所以道食通氣是也先食黍稷

以前文先言爾黍故知先食黍也上佐食舉尸牢幹尸受振祭噉之佐

食受加于肝注幹正脅也古文幹為肝音義噉才疏

曰上文序體先言短脅次言正脅則正脅在中上食舉是正脊故牢知食幹亦先取正脅也特性云食幹鄭注

為長脅也彼記序九體有長脅無代脅者案鄭上佐食

注云脊無中脅無前貶於尊者故與此異也羞載兩瓦豆有醢亦用瓦豆設于薦豆之北注設于薦

豆之北以其加也四豆亦絜羊載在南豕載在北無臠

曉者尚牲不尚味音義載莊更反臠許堯反疏疏注釋曰特性

有豕腍此少牢二牲故  
不尚味而無臠腍也

尸又食食載上佐食舉尸一魚

尸受振祭齊之佐食受加于肝橫之注又復也或言食

或言飯食大名小數曰飯魚橫之者異於肉音義數所

疏

注釋曰云食大名者以其論語文多言食故云食大

等

據一口謂之一飯五口謂之五飯等據小數而言故

云小數曰飯也云魚橫之者異於肉者魚在俎縮肉在

俎則橫其同在肝俎仍橫之魚本縮今則橫之矣與牲

體異故云魚橫異於肉也必知肉在肝仍橫者但言加

于肝不云縮則與本俎同橫可知也大夫不饋尸者於

此時亦當設大羹此主為大夫饋尸者故無大羹之文

也又食上佐食舉尸腊肩尸受振祭齊之上佐食受加

于所注腊魚皆一舉者少牢二牲略之腊必舉肩以肩

為終也別舉魚腊崇威儀疏

注釋曰云腊魚皆一舉者少牢二牲略之者以特牲

三舉獸魚以其牲少故也此少牢二牲略之者體足可

舉故腊魚一舉以略之云腊必舉肩以肩為終也者以

腊如牲骨但舉一肩肩尊以為終取其成義牲體舉肩

為終云別舉魚腊崇威儀者特牲云尸三飯佐食舉獸

幹魚一亦如之尸又三飯舉胙及獸魚如初尸又三飯

舉肩及獸魚如初獸魚常一時同舉而此獸魚別舉大

夫之禮故云崇威儀案特牲先舉腊後魚此少牢後舉

腊者彼特牲三俎腊皆三舉故後舉魚此少牢腊魚皆

一舉故使腊在後又食上佐食舉尸牢髀如初注如舉

肩取其終義故也

幹也又食注不舉者卿大夫之禮不過五舉須侑尸疏

注釋曰云五舉者舉牢肺脊一也又舉牢幹二也又舉一魚三也又舉腊肩四也又舉牢骼五也是卿大夫之

禮也尸告飽祝西面于主人之南獨侑不拜侑曰皇尸

未實侑注侑勸也祝獨勸者更則尸飽實猶飽也祝既

侑復反南面疏

注釋曰云侑勸也祝獨勸者更則尸飽

不更以侑者欲使尸飽若其重侑則嫌相褻特牲重侑

一飯更則飽故有更是以使祝獨侑與主人更之也云

祝既侑復反南面者尸內主人及祝有事之位尸席北

有尸飯法天子諸侯當亦有之故大祝九拜之下云以

享侑祭祀注云侑勸尸食而拜若然士三飯即告飽而

侑大夫七飯告飽而侑諸侯九飯告飽而侑天子十一

儀禮注疏

卷

飯而尸又食上佐食舉尸牢肩尸受振祭噉之佐食受

加于胙注四舉牢體始於正脊終於肩尊於終始疏注

曰正脊及肩此體之貴者故先舉正脊為食之始後舉肩為食之終故云尊於終始尸不飯告飽

祝西面于主人之南注祝當贊主人辭疏釋曰以其西面是祝之有

事之位故從南主人不言拜侑注祝言而不拜主人不

言而拜親疏之宜疏注釋曰云親疏之宜者云祝言而不拜者疏也云主人不言而拜者

親也事相成故尸又三飯注為祝一飯為主人三飯尊

卑之差尸十一飯下人君也上佐食受尸牢肺正脊加



于肸注言受者尸授之也尸受牢幹而實舉於菹豆食

畢操以授佐食焉音義

操七反疏釋曰此案上文初食舉

舉之所下文即言三飯上佐食舉尸牢幹尸受振祭齊

之佐食受加于肸至此尸十一飯後乃言上佐食受尸

牢肺正脊加于肸者是却本初食約特牲舉肺脊其時

尸實舉于菹豆今尸食畢尸乃於菹豆上取而授上佐

食上佐食受而加于肸故言

受尸牢肺正脊加于肸也

○主人降洗爵升北面酌

酒乃醕尸尸拜受主人拜送注醕猶羨也既食之而又

飲之所以樂之古文醕作酌音義

醕音引又士刀反食音寺飲於鴈反樂音

洛疏釋曰自此盡折一膚論主人醕尸之事注釋曰尸

云醕猶羨也者取饒羨之義故以為樂之也尸

祭酒啐酒賓長羞牢肝用俎縮執俎肝亦縮進末鹽在

右注羞進也縮從也鹽在肝右便尸換之古文縮為感

音義

從子容反疏注釋曰云鹽在肝右便尸換之者鹽感子六反在肝右據賓長西面手執而言尸東

面若至尸前鹽在尸之左尸以尸左執爵右兼取肝換右手取肝鄉左換之是其便也

于俎鹽振祭齊之加于菹豆卒爵主人拜祝受尸爵尸

答拜注兼兼羊豕○祝酌授尸尸醕主人主人拜受爵

尸答拜主人西面奠爵又拜注主人受酢酒俠爵拜彌

尊尸音義

酤才疏注釋曰云彌尊尸者此少牢與特牲各反尸酢主人使祝代尸酌已足尊尸今

主人拜受訖又拜為上佐食取四敦黍稷下佐食取牢

俠拜是彌尊尸也

一切肺以授上佐食上佐食以綏祭注綏或作按按讀

為墮將受嘏亦尊尸餘而祭之古文墮為肸音義

綏許規反

劉相規反并注按及

疏

注釋曰經中綏是車綏或有禮本作按者故亦讀從周禮字

既葬則藏其墮減之義也云將受嘏者下文主人受主

嘏之時先墮祭是以佐食授黍稷與主人為墮禮

人左執爵右受佐食坐祭之又祭酒不興遂啐酒注右

受佐食右手受墮於佐食也至此言坐祭之者明尸與

主人為禮也尸恒坐有事則起主人恒立有事則坐疏

注釋曰云尸常坐有事則起主人常立有事則坐者祭禮器云周坐尸由禮云立如齊鄭云齊謂祭祀時則是尸常坐主人祭時則常立經云坐祭之謂墮祭尸餘是尸與主人為禮是主人有事乃坐也尸答主人拜乃立是尸有事則起也祝與二佐食皆出盥于洗入二佐食各取黍

于一敦上佐食魚受搏之以授尸尸執以命祝注命祝

以嘏辭音義

傳大官反

疏

注釋曰謂命祝使出嘏辭以嘏於主人下文是也

卒命祝

祝

祝受以東北面于戶西以嘏于主人曰皇尸命工祝承

致多福無疆于女孝孫來女孝孫使女受祿于天宜稼

于田畝壽萬年勿替引之注嘏大也予主人以大福工

官也承猶傳也來讀曰釐釐賜也耕種曰稼勿猶無也

替廢也引長也言無廢止時長如是也古文嘏為格祿

為福晉為微替為袂袂或為戴戴替聲相近音義

嘏反

女音汝袂音決戴疏注釋曰云嘏大也者郊特牲云嘏大結反劉土結反長也大也故鄭云予主人以大福

案特牲尸親嘏主人此尸使祝嘏主人者大夫尸尊故不親嘏特牲無嘏辭文不具也

主人坐奠

爵興再拜稽首興受黍坐振祭齊之詩懷之實于左袂

挂于季指執爵以興坐卒爵執爵以興坐奠爵拜尸答

拜執爵以興出宰夫以籩受醬黍主人嘗之納諸內注

詩猶承也實於左袂便右手也季猶小也出出戶也宰

夫掌飲食之事者收斂曰嗇明豐年乃有黍稷也復嘗

之者重之至也納猶入也古文挂作卦音義挂俱賣反

疏注釋曰云出戶也者以主人位在戶內西面今云出故知是出戶也此宰夫以主人位受嗇大夫之禮特性主

人出寫嗇于房祝以籩受彼士禮與大夫異也紫春官鬱人云大祭祀與量人受舉斝之卒爵而飲之鄭云斝

受福之嘏聲之誤也王酺尸尸嘏王此其卒爵也少牢饋食禮主人受嘏詩懷之卒爵執爵以興出宰夫以籩

受嗇黍主人嘗之乃還獻祝此鬱人受王之卒爵亦王出房時也是王受嘏與大夫同也案楚茨詩既齊既稷

既匡既勑注云嘏之禮祝編取黍稷牢內魚換於醢以授尸孝孫前就尸受之天子使宰夫受之以篚祝則釋

嘏辭以勅之天子嘏辭與大夫同也云復嘗之者重之至也者前已嘗之是已嘗今復言嘗是重受福之至也特牲不言復嘗者文不具也○主人獻祝設席南面祝拜于席上坐

受注室中迫狹疏

注釋曰言迫狹者大夫士廟室皆兩下五架正中曰棟棟南兩架北亦兩

架棟南一架名曰楹前承簷以前名曰殿棟北一架為室南壁而開戶即是一架之開廣為室故云迫狹也必知棟北一架後乃為室者昏禮主人延賓升自西階當阿東面致命鄭云阿棟也入堂深明不入室是棟北乃有室主人西面答拜注不言拜送下尸疏注釋曰上主

受主人拜送今主人獻祝祝拜受主人答拜拜送薦兩禮重答拜禮輕今言答拜故云不言拜送下尸也薦兩豆菹醢注菹菹羸醢疏注釋曰知者上云韭菹醢醢鄭云朝事之豆也而饋食用之豐

大夫禮上亦云葵菹羸醢是饋食之豆當饋食之節是其常事故不言豐大夫之禮今祝用之亦其常事故知

用葵菹佐食設俎牢髀橫脊一短脅一腸一胃一膚三羸醢也

魚一橫之腊兩髀屬于尻注皆升下體祝賤也魚橫者

四物共俎殊之也腊兩髀屬于尻尤賤不殊音義屬音

苦刀疏注釋曰言升下體者髀與短脅橫脊皆羊豕之反下體屬于尻又腊之下體為祝賤故也云魚橫

者四物共俎殊之也者以其魚獨在俎編載今橫者為四物共俎橫而殊之也縮有七物而云四物者據羊豕

魚腊故云四物也云尤賤者羊豕體不屬於尻以腊用左右髀故有兩髀言髀屬于尻尻在中謂髀與尻相連

屬不殊是尤賤也祝取菹換于醢祭于豆間祝祭俎注腊髀賤常連之也



大夫祝俎無肺祭用膚遠下尸不瘠之膚不盛疏

注釋曰云

大夫祝俎無肺祭用膚遠下尸者案特牲尸俎有祭肺

離肺祝俎有離肺無祭肺是下尸今大夫尸俎亦皆有

祝則離肺祭肺俱無是遠下尸也云不瘠之膚不盛者

決離肺祭訖齊之加于俎今以無肺祭不盛故也凡膚

皆不瘠獨於此言之者以其以膚替祭酒啐酒肝牢從

肺肺則瘠此則不瘠故須言之也

祝取肝換于鹽振祭瘠之不興加于俎卒爵興注亦如

佐食授爵乃興不拜既爵大夫祝賤也疏

注釋曰亦如佐食授爵乃

興者此經直云卒爵興不云授爵故特明之案下文主

婦獻祝祝卒爵坐授主婦爵主婦又獻二佐食二佐食

坐授主婦爵主婦獻祝與獻二佐食同明主人獻祝祝

授主人爵亦與二佐食同可知云不拜既爵大夫祝賤

也者此決特牲祝卒角拜主人答拜以士卑  
故祝不賤此大夫尊故祝賤不拜既爵也

○主人酌

獻上佐食上佐食戶內牖東北面拜坐受爵主人西面

答拜佐食祭酒卒爵拜坐授爵興注不啐而卒爵者大

夫之佐食賤禮略疏

注釋曰特牲士之佐食亦啐大夫

可對天子諸侯佐食

卒乃卒爵貴故也 組設于兩階之間其組折一膚注

佐食不得成禮於室中折者擇取中正體餘骨折分用

之有胥而無薦亦遠下尸音義

折之設反後同

疏

注釋曰云有胥而無薦亦

遠下尸者有胥即經組實是也無薦謂無菹  
醢也既無肺已是下尸又無薦是遠下尸也

主人又獻

下佐食亦如之其簠亦設于階間西上亦折一膚注上

佐食既獻則出就其俎特牲記曰佐食無事則中庭北

面謂此時○有司贊者取爵于篚以升授主婦贊者于

房戶注男女不相因特牲饋食禮曰佐食卒角主人受

角降反予篚疏

釋曰自此盡入于房論主婦亞獻尸與祝佐食之事此直云有司授婦贊者

于房案禮記內則云非祭非喪不相授器其相授則女

受以篚其無篚則皆坐奠之而后取之此經雖不言受

以篚及奠於地之事亦當然也注釋曰云男女不相因

者案特牲佐食卒角主人受角降反于篚升入復位訖

主婦乃洗爵于房酌亞獻尸是不相因爵也引婦贊者

特牲者證男女不相因爵主婦不取此爵也婦贊者

受以授主婦主婦洗于房中出酌入戶西面拜獻尸注

入戶西面拜由便也不北面者辟人君夫人也拜而後

獻者當俠拜也昏禮曰婦洗在北堂直室東隅音義辟

避疏注釋曰云入戶西面拜由便也者下注云此拜於北則上拜於南矣由便也云不北面者辟人君夫

人也者案特牲主婦北面拜注云北面拜者辟內尸拜

受主婦主人之北西面拜送爵注拜於主人之北西面

婦人位在內也拜於北則上拜於南由便也尸祭酒卒

爵主婦拜祝受尸爵尸答拜易爵洗酌授尸注祝出易

爵男女不同爵主婦拜受爵尸答拜上佐食綏祭主婦  
西面于主人之北受祭祭之其綏祭如主人之禮不嘏  
卒爵拜尸答拜注不嘏夫婦一體綏亦當作接古文為  
所主婦以爵出贊者受易爵于筐以授主婦于房中注  
贊者有司贊者也易爵亦以授婦贊者婦贊者受房戶  
外入授主婦疏注釋曰知贊者有司贊者也者上文云有司贊者取爵于筐此還是上有司贊也  
者○主婦洗酌獻祝祝拜坐受爵主婦答拜于主人之  
北卒爵不興坐授主婦注不俠拜下尸也今文曰祝拜

受主婦受酌獻上佐食于戶內佐食北面拜坐受爵主婦西面答拜祭酒卒爵坐授主婦主婦獻下佐食亦如之主婦受爵以入于房注不言拜於主人之北可知也爵奠于內篚○賓長洗爵獻于尸尸拜受爵賓戶西北面拜送爵尸祭酒卒爵賓拜祝受尸爵尸答拜祝酌授尸賓拜受爵尸拜送爵賓坐奠爵遂拜執爵以興坐祭遂飲卒爵執爵以興坐奠爵拜尸答拜○賓酌獻祝祝拜坐受爵賓北面答拜祝祭酒啐酒奠爵于其筵前注

啐酒而不卒爵祭事畢示醉也不獻佐食將饋尸禮殺

疏

釋曰云尸祭酒卒爵者案特牲賓長獻尸爵止注云欲神惠之均於室中待夫婦致爵此大夫禮或有饋

尸者致爵在饋尸之時故不致爵爵不止也若然有司微尸作止爵三獻致爵於主人主人不酢又不致爵于主婦下大夫不饋尸賓獻尸爵止主婦致爵于主人主婦主人不致爵於主婦特牲主人與主婦交相致爵參差不同者此以尊卑為差降之數故有異也上大夫得饋尸故不致爵上辟人君下大夫不饋尸故增酢主婦而已士卑不嫌與君同故致爵具也注釋曰云不獻佐食將饋尸禮殺者以其祝與佐食俱是事神及尸是以獻尸并及之故主人主婦獻祝與佐食今賓獻祝不及佐食者但為待饋尸故於賓長獻是祭末禮殺故不及也

闕之也

○主人出立于阼階上西面祝出立于西階上

東面祝告曰利成注利猶養也成畢也孝子之養禮畢

音義

養于亮反下同

疏注釋曰自此盡廟門論祭祀畢尸出廟之事

祝入尸諤主人

降立于阼階東西面注諤起也諤或作休音義

諤所六反祝

先尸從遂出于廟門注事尸之禮訖於廟門外疏

注釋曰事

尸之禮訖於廟門者上祝迎尸於廟門畢又送尸於廟門案禮記尸在廟門外則疑於臣是以據廟門為斷

○祝反復位于室中主人亦入于室復位祝命佐食徹

胾俎降設于堂下阼階南注徹胾俎不出門將饋尸也

胾俎而以饋尸者其本為不反魚肉耳不云尸俎未歸



尸疏

釋曰自此盡篇末論徹肝組行餽之事注釋曰云徹肝組不出門將饋尸也者決特牲饋食徹尸組

出廟門者送尸者也云肝組而以饋尸者其本為不反魚肉耳者案曲禮云毋反魚肉謂食將魚肉不反組故尸食亦加肝組未得即送尸家故云本為不反魚肉也故當加於肝組

儻尸訖并後加者得歸之也

○司宮設對席乃四人養注大夫禮四

人養明惠大也音義

養音餽

疏注釋曰案祭統云凡餽之道每變以衆所以別貴賤

之等而興施惠之象也是故上有大澤則惠必及下是以特牲二人餽惠之小者大夫四人餽明惠之大者也

上佐食盟升下佐食對之賓長二人備注備四人餽也

三餽亦盟升疏

釋曰下佐食對之者不謂東西相對直取上佐食東面下佐食西面為對以其

下佐食西面近北故不得東西相當也云賓長二人備者亦不東西相當以其一賓長在上佐食之此一賓長在下佐食之南是亦不東西相當也故云備不言對也司士進一敦黍于上佐食

又進一敦黍于下佐食皆右之于席上注右之者東面

在南西面在北疏

北注釋曰東面在南據上佐食西面在北據下佐食右之者飯用手右之便

也故資黍于羊俎兩端兩下是餽注資猶減也減置於羊

俎兩端則一賓長在上佐食之此一賓長在下佐食之

南今文資作齋疏

二注釋曰云兩下是餽者據二賓長於二佐食為下故云一賓長在上佐食

之此一賓長在下佐食之南以地道尊右故也二佐食皆在右若然羊俎兩間南北面置之故二賓長於俎兩

端取黍也必知上佐食東面近南下佐食西面近北者以其尸東面近南今尸起上佐食居尸坐處明知位次

此如

司士乃辯舉養者皆祭黍祭舉注舉舉膚今文辯為

徧音義

辯音遍下同

疏

注釋曰知舉是舉膚者以其尸舉肺餽者下尸明不舉肺當舉膚是以特

牲云佐食授餽者各一膚明此大夫禮亦舉膚也

主人西面三拜養者養者與

舉于俎皆答拜皆反取舉注三拜旅之示徧也言反者

拜時或去其席在東面席者東面拜在西面席者皆南

面拜疏

注釋曰知面位如此者以主人在戶內西面三拜餽者餽者在東面而答主人拜可知在西面

位者以主人在南西面不得與主人同面而拜明迴身南面向主人而拜故鄭以義解之如此也司士

進一鉶于上養又進一鉶于次養又進二豆滂于兩下

乃皆食食舉注滂肉汁也音義

滂去反

疏

釋曰云又進二豆滂于兩下者

以其神坐之上止有羊豕二鉶一進與上佐食一進與下佐食故更羞二豆滂于兩下滂者從門外鑊中來以兩下無鉶故進滂也卒食主人洗一爵升酌以授上養贊者洗三

爵酌主人受于戶內以授次養若是以辯皆不拜受爵

主人西面三拜養者養者奠爵皆答拜皆祭酒卒爵奠

爵皆拜主人答一拜注不拜受爵者大夫餼者賤也答

一拜略也古文壹為一也疏

注釋曰云不拜受爵者大夫餼者賤也者決特牲使

嗣子與兄弟後為貴故拜受爵也云答一拜略也者特牲亦無再拜廢此云畧者以其四餽皆拜主人總答一拜故云養者三人興出注出降實爵于筐反賓位上養略也

止主人受上養爵酌以醋于戶內西面坐奠爵拜上養

答拜坐祭酒啐酒注主人自酢者上養獨止當尸位尊

不酌也疏

注釋曰特牲上餽親自酌酢主人此上餽不酌者上餽將嘏主人故在尸位不可親酌特

牲上餽酌者以上餽不嘏主人既卒爵三餽俱出上餽酢主人少牢禮備又嘏主人故不酌也上養親

嘏曰主人受祭之福胡壽保建家室注親嘏不使祝授

之亦以黍疏

注釋曰言亦者以上皇尸命工祝嘏主人以黍此亦以黍上文司士進敦乃分黍于

羊俎兩端下不言  
稷故知亦黍也

主人興坐奠爵拜執爵以興坐卒爵

拜上菴答拜上菴興出主人送乃退注送佐食不拜賤

疏

注釋曰賓主之禮賓出主人皆拜  
送此佐食送之而不拜故云賤也

儀禮注疏卷十六

儀禮注疏卷十六考證

主人曰考孫某來日丁亥注不得丁亥則巳亥辛亥亦  
用之無則苟有亥焉可也○臣紱按經言日用丁巳  
則或丁或巳皆可不必亥也此舉丁亥以見例似當  
云不得丁亥則丁丑丁卯亦用之無則苟有丁焉可  
也如此方與經義相合

明日朝筮尸如筮日之儀○儀字石經及教本俱作禮  
羹定疏魚腊爨亞之北上○監本作魚腊爨在廟門外

東南魚腊爨在其南

臣學健

按士虞爨在西不在東

也疏語複沓難通今考士虞禮經文改正

司馬升羊右肱髀不升肩臂臑膊髀○

臣紱

按膊字從

專音純與膊字從專音搏者迥異舊刻多混今悉正  
之士昏及特牲作肱與膊同

疏此言絳者指解脊脅不取肩臂臑膊髀也若尸舉  
牲體則脊脅胛肩為絳○監本脫上脅字臂臑膊字  
又脫下脊字又胛肩二字誤倒臣紱按以經之節次



及牲體考之應如此

卒脣皆設局甬○甬監本譌霽今依石經及教本改正  
主婦被錫衣侈袂○侈石經作移下侈字同

注葵菹在北綰○監本脫北字臣紱按以設豆之法  
次之應補又特牲疏引此可證

又注今文錫為錫○監本脫錫為錫三字教氏集說  
卷尾記此繼公云錫當作緣祿通又釋文有錫字之  
音皆可證之

以授尸坐取簞興○監本脫此七字今依石經及敖本  
補正

祝主人皆拜妥尸疏按下云嘗羊鉶故知不嘗豕鉶也  
○監本脫不字臣龍官按下經豕鉶但祭不嘗是也  
補不字方與上句相應

尸受同祭于豆祭○受同二字監本誤倒今依石經及  
敖本改正

食舉○敖繼公云特牲禮乃食食舉謂先一飯而後食

舉也士昏禮亦然此亦當然不言乃食者文有脫也  
祝酌授尸尸醕主人○授字監本譌作受今從教本改  
正

佐食設俎牢髀䟽腊髀賤常連之也○腊髀監本譌作  
周祝今据經文改正

祭酒啐酒肝牢從○敖繼公云肝牢當作牢肝石經亦  
作牢肝今仍監本

佐食祭酒卒爵拜坐授爵興○敖繼公云拜蓋衍文祝

與佐食皆不拜既爵

有司贊者取爵于篚以升授主婦贊者于房戶○敖繼公云戶字誤下篇司宮取爵于篚以授婦贊者于房東此戶亦當為東與

易爵洗酌授尸○授石經作受

賓戶西北面拜送爵○戶監本譌作尸今依石經及敖本改正

賓酌獻祝疏上大夫得儔尸故不致爵○監本脫不字

今据經之節次補之

主人出立于阼階上西面疏釋曰自此盡廟門云云○  
監本誤刊在下祝先尸從節之下今改正

祝入尸謖主人降○降字監本譌祭毛本譌出今依石  
經及敖本改正

司宮設對席疏凡餽之道云云○臣龍官按此引祭統  
語舊脫數句文氣不貫今考原文補之

儀禮注疏卷十六考證

欽定四庫全書

儀禮注疏卷十七

漢鄭氏注 唐陸德明音義 賈公彥疏

有司徹第十七

有司徹注徹室中之饋及祝佐食之俎卿大夫既祭而  
饋尸禮崇也饋尸則不設饌西北隅以此薦俎之陳有  
祭象而亦足以厭飫神天子諸侯明日祭於祊而繹春  
秋傳曰辛巳有事于大廟仲遂卒于垂壬午猶繹是也

爾雅曰繹又祭也音義

徹直列反字又作撒

疏

釋曰自此盡如

初論徹室內之饋并更整設及溫尸俎之事注釋曰云  
徹室中之饋及祝佐食之俎者室內之饋主於尸饌薦  
俎黍稷皆名饋下大夫不儻尸饌訖云有司官徹饋饌  
於室中西北隅彼鄭注云官徹饋者司馬司士舉俎宰  
夫取敦及豆則此饋內兼數物唯無所俎所俎上篇佐  
食徹之先設於堂下也又言及祝佐食之俎者殊其尊  
卑為文祝亦有薦在室內北墉下佐食之俎在兩楹之  
閒無薦此等見於上篇今徹祝與佐食并為文者賤者  
省文之事其實祝薦俎在室內佐食俎在階閒此直云  
有司不言官下大夫不儻尸云官徹者彼為更饌西北  
隅為陽厭故見官也所俎亦用儻尸不使有司同時徹  
者所俎本為尸故設之徹之皆不與正俎同時而後設  
先徹案楚茨詩云諸宰君婦廢徹不遲此不言者彼人  
君禮故不同也云鄉大夫既祭而儻尸禮崇也者此對



下大夫不饋尸禮不崇也云以此薦俎之陳有祭象而亦足以厭飫神者對下大夫尸出之後改饌西北隅為厭飫神今饋尸者雖不設饌西北隅以此薦俎之陳有祭象亦足以厭飫神亦下大夫也云天子諸侯明日祭於祊而繹者欲見天子諸侯尊別日為之與卿大夫禮異但祊與繹二者俱時為之故郊特牲云繹之於庫門內祊之於東方失之矣鄭注云祊之禮宜於廟門外之西室繹又於其堂神位在西也二者同時而大名曰繹其祭禮簡而事尸禮大引春秋傳者此宣八年左氏傳辛巳有事于大廟仲遂卒于垂卿佐卒輕于正祭不合廢但繹祭禮輕宜廢而不廢故譏之云壬午猶繹引之者證人君別日為繹又見二者雖同時而大名繹故孔子書繹不書祊引爾雅者爾雅釋天文彼云周曰繹商曰彤夏曰復昨復昨者復昨日之昨祭殷曰彤者義取彤彤祭不絕周曰繹者取尋繹前祭之事但祊者禮器云為祊乎外注祊祭明日之繹祭也謂之祊者於廟門

之旁因名焉其祭之禮既設祭於室而事尸於堂孝子求神非一處是也此祊是明日又祭故於廟門外若正祭祊即於廟門內故楚茨詩云祝祭于祊祀事孔明毛傳云祊門內也鄭云孝子不知神之所在故使祝博求之于廟門內之旁待賓客之處祀禮於是甚明是正祭祊在門內也郊特牲云索祭祝于祊不知神之所在於彼乎於此乎或諸遠人乎祭于祊尚曰求諸遠者與亦是祭之明日祊故云求諸遠者但此大夫儋尸同用正祭之牲天子諸侯禮大別日又別牲故牛人云享牛求牛鄭云享獻也獻神之牛謂所以祭者也求終也終事之牛謂所以繹者也

埽堂注為儋尸新之少儀曰汎埽曰

埽埽席前曰拊音義

為于偽反下同汎芳飭疏注釋曰反埽索到反拊方問反

新之者正祭於室之時堂亦埽訖今將儋尸又埽之故云為儋尸新之引少儀者若直埽席前止可云拊今云

埽不云拊明于堂廟汎  
埽引之見汎埽為義也  
司宮攝酒注更洗益整頓之今

文攝為聶音義

聶女輒反疏注釋曰鄭云更洗益整頓之者

整也整酒謂撓之此更添益整頓則此洗當作撓此謂  
儻尸唯徹室中之饋因前正祭之酒更撓擾添益整新  
之乃釅尸俎注釅溫也溫尸俎於饗所亦溫焉獨言溫

尸俎則祝與佐食不與儻尸之禮古文釅皆作尋記或

作燂春秋傳曰若可燂也亦可寒也音義

釅音尋劉徐鹽反注燂同

與音

疏

注釋曰知溫尸俎於饗者見下文云卒釅乃升

預羊豕魚三鼎故知先溫於饗之釅乃後升之於  
鼎也所亦溫焉知者案下文載俎所舉在胙肩胛脊脅  
皆在載於俎明亦溫可知又云獨言溫尸俎則祝與佐

食不與儻尸之禮者但正祭時尸祝及佐食皆有俎今獨言溫尸俎欲見儻尸時祝與佐食不與而別立侑也云古文燖皆作尋者論語及左傳與此古文皆作尋論語不破至此疊古文不從者彼尋者論語古文通用至此見有人作燖有火義故從今文也云記或作燔者案郊特牲云有虞氏之祭也尚用氣血腥燖祭用氣也注云燖或為燔今此義指彼記或讀之故云記或作燔也引春秋傳者案哀十二年左傳夏公會吳于橐皋吳子使大宰嚭請尋盟公不欲使子貢對曰盟所以周信也故心以制之玉帛以奉之言以結之明神以要之寡君以為苟有盟焉弗可改也已若猶可改日盟何益今吾子曰必尋盟若可尋也可寒也服注云尋之言重也溫也寒歇也可寒而歇之鄭卒燖乃升羊豕魚三鼎引之者證燖尸俎是重溫之義

無腊與膚乃設局鼐陳鼎于門外如初注腊為庶羞膚

從豕去其鼎者儻尸之禮殺於初如初者如廟門之外

東方北面北上今文局為鉉古文鼎為密音義

局古熒反注同

鼎亡狄反去起呂反殺所界反劉色例反下皆同

疏

注釋曰云腊為庶羞者鄭解不缺腊之義案上缺尸

鉉則皆在其內今升鼎言無腊下載又不見腊體明從庶羞可知云膚從豕去其鼎知者下載體時膚猶在豕鼎不為庶羞可知但正祭時五鼎今二者皆去其鼎故云儻尸之禮殺於初也

○乃議侑于賓

以異姓注議猶擇也擇賓之賢者可以侑尸必用異姓

廣敬也是時主人及賓有司已復內位古文侑皆作宥

音義

侑音又

疏

釋曰自此盡侑答拜論選侑并迎尸及侑之事注釋曰云是時主人及賓有司已復

內位者下文侑出俟于廟門之外又云主人出迎尸侑言侑即賓之賢者上篇云四餽者二佐食二賓長餽訖皆出未見入主人送餞言退皆有出事今議侑在內故云是時賓主人已復內位也

宗人戒侑注

戒猶告也南面告於其位戒曰請子為侑疏

注釋曰知南面告於

其位者以賓位在門東北面請以為侑明面鄉其位可知賓位在門東北面者下文將獻賓時云主人降南面拜眾賓門東三拜眾賓門東北面皆答一拜是也云戒曰請子為侑者案燕禮公曰命某為賓射人傳公命當云請子為賓此處命侑當先云主人曰命某為侑宗人傳主人辭戒曰請子為侑鄭以互文約之故云然也

侑出俟于廟門之外注俟待也待於外當與尸更入主

人興禮事尸極敬心也疏

注釋曰云主人興禮事尸極敬心也者正謂立侑以輔尸

使出更迎之是  
極其敬心也

○司宮筵于戶西南面注為尸席也又

筵于西序東面注為侑席也尸與侑北面于廟門之外

西上注言與殊尊卑北面者賓尸而尸益卑西上統於

賓客疏

注釋曰云尸益卑者賓尸之禮以尸為賓客當在門西東而北上今執臣道門外北面故云益

也卑主人出迎尸宗人擯注賓客尸而迎之主人益尊擯

贊疏

釋曰案少牢宿尸祝擯此宗人擯者以祝不與擯尸故使宗人為擯也注釋曰云賓客尸而迎之主

人益尊者上篇正祭時主人不迎尸以申尸之尊至此賓客尸而迎之以尸同賓客是主人益尊故也主

人拜尸答拜主人又拜侑侑答拜主人揖先入門右注

道尸音義

道音導

尸入門左侑從亦左揖乃讓注沒雷相

揖至階又讓疏

注釋曰經直云揖乃讓鄭知沒雷相揖至階又讓者案上篇鄉飲酒之等入門

三揖至階又讓故知也

主人先升自阼階尸侑升自西階西楹西

北面東上注東上統於其席疏

注釋曰尸在門外北面西上統於賓客至此升

堂亦應西上故決之云東上統於其席以其賓席以東為上故也

○主人東楹東北面

拜至尸答拜主人又拜侑侑答拜注拜至喜之○乃舉

注舉舉鼎也舉者不盥殺也疏

釋曰自此盡西枋論門外舉鼎匕俎入陳于廟

門之事注釋曰云舉者不盥殺也者決正祭時皆盥訖乃舉鼎此賓尸禮殺舉者不盥故云殺也

司馬



舉羊鼎司士舉豕鼎舉魚鼎以入陳鼎如初注如初如

阼階下西面北上疏

注釋曰云如初者此如上經正祭時陳鼎之事也

雍正執

一匕以從雍府執二匕以從司士合執二俎以從司士

贊者亦合執二俎以從匕皆加于鼎東枋二俎設于羊

鼎西西縮二俎皆設于二鼎西亦西縮注雍正羣吏掌

辨體名肉物者府其屬凡三匕鼎一匕四俎為尸侑主

人主婦其二俎設于豕鼎魚鼎之西陳之宜具也古文

縮皆為蹙疏

注釋曰云雍正羣吏掌辨體名肉物者案周禮內饗職云掌割烹煎和之事辨體名

肉物注云體名脊脅肩臂臑之屬肉物載燔之屬此大  
夫之雍正所掌亦依之也知四俎據尸侑主人主婦者  
據下文四者皆有俎知之也云陳之宜具者此四俎當  
俱陳于羊鼎之西分二俎陳豕鼎魚鼎之西者欲使三  
鼎之西竝有俎故  
云陳之宜具也  
雍人合執二俎陳于羊俎西竝皆西

縮覆二疏匕于其上皆縮俎西枋注竝并也其南俎司

馬以羞羊匕清羊肉清其北俎司士以羞豕匕清豕胥

清魚疏匕匕柄有刻飾者古文竝皆作併音義  
清去反胥之

承疏  
注釋曰云其南俎司馬以羞羊匕清羊肉清者匕  
反清謂無肉直汁以其在匕清也即下文司馬在羊

鼎之東二手執挑匕枋以挹清注于疏匕是也云肉清  
者直是肉從清中來實無汁下文云羊肉清臑折正脊

一正脅一腸一胃一是也案下文次賓羞羊匕消司馬蓋羊肉消此注并云司馬不云次賓者案上經正祭時云司馬刲羊據此正文沒次賓不言其實羞羊匕消者是次賓也又云其北俎司士以羞豕匕消豕胄消魚者此經陳二俎以為益送之俎南俎已是司馬所用於羊消之等則此北俎是司士羞豕消之等若然案下文亦次賓羞豕匕消司士羞豕胄此并云司士者亦據上經正文司士擊豕而言實次賓羞豕匕消也云疏匕匕柄有刻飾者以其言疏是疏通刻飾之名若禮記云疏屏之類故知柄有刻飾亦通柄刻雲氣以飾也○主

人降受宰几尸侑降主人辭尸對注几所以坐安體周

禮大宰掌贊玉几玉爵疏

注釋曰引大宰者證宰授主人几之義

宰授几

主人受二手橫執几揖尸注獨揖尸几禮主於尸主人

升尸侑升復位注位阼階賓階上位疏

注釋曰鄭言此者主人位常在

阼階上其尸位在戶西及在西階上今恐尸復位在戶西以其未得在戶西故言賓階上位也主人西

面左手執几縮之以右袂推拂几三二手橫執几進授

尸于筵前注衣袖謂之袂拂者外拂之也推拂去塵示

新尸進二手受于手閒注受從手閒謙也主人退尸還

几縮之右手執外廉北面奠于筵上左之南縮不坐注

左之者異於鬼神生人陽長左鬼神陰長右不坐奠之

者几輕音義

長丁丈反後皆同

疏

釋曰云主人退尸還几縮之者以主人橫執几進授尸時

尸二手受于主人手閒時亦橫受之將欲縱設於席故還之使縮以右手執几外廉故鄉北面縮設於席也注釋曰云左之者異於鬼神者謂若上一篇以來設神几皆在右為生人皆左几之等是其生人陽故尚左鬼神陰故尚右也云不坐奠之者几輕者此決下文主人東啐酒坐奠之彼言坐是重之此不坐輕之故也

楹東北面拜注拜送几也尸復位尸與侑皆北面答拜

注侑拜者從於尸疏

注釋曰以主人授几止為尸故主人拜送其尸獨答拜今侑亦拜故

云從於尸以其立侑以輔尸故侑從尸拜也

○主人降洗尸侑降尸辭洗主

人對卒洗揖主人升尸侑升尸西楹西北面拜洗主人

東楹東北面奠爵答拜降盥尸侑降主人辭尸對卒盥

主人揖升尸侑升主人坐取爵酌獻尸尸北面拜受爵

主人東楹東北面拜送爵注降盥者為土汚手不可酌

疏

釋曰自此盡興退論主人獻于尸主婦薦豆籩之事云主人降洗尸侑降尸辭洗者案鄉飲酒主人降洗

賓降主人辭降賓對此中亦應主人降洗賓降主人辭降○主婦自東房薦韭菹醢

坐奠于筵前菹在西方婦贊者執昌菹醢以授主婦主

婦不興受陪設于南昌在東方興取籩于房醴黃坐設

于豆西當外列醴在東方婦贊者執白黑以授主婦主

婦不興受設于初籩之南白在西方興退注昌昌本也

韭菹醢醢昌本麋鷄麤熬麥也蕡熬臠實也白熬稻黑熬黍此皆朝事之豆籩大夫無朝事而用之儗尸亦豐

大夫之禮主婦取籩與者以饌異親之當外列辟錮也

退退入房也音義

麤芳中反蕡扶云反醢他感反鷄乃兮反又人兮反臠思治反辟音避

疏

釋曰案此經主人先獻主婦乃後薦者若正祭則先薦後獻若釋祭則先獻後薦故祭義云君獻尸夫人

薦豆鄭注云謂釋日也則此儗尸禮與天子諸侯釋祭同故亦先獻後薦也注釋曰云昌本已下等物至此皆

朝事之豆籩者案周禮籩人云朝事之豆籩麤蕡白黑形鹽臠鮑魚鱠醢人云朝事之豆韭菹醢醢昌本麋鷄青

菹鹿鷄茆菹麋鷄故鄭注此皆據彼而言又案彼注昌本菹蒲根有骨為鷄無骨為醢云蕡熬臠實也者案喪

服傳云苴者麻之有黃者也牡麻者杲麻也若然黃麻有實杲麻無實鄭云黃杲實者舉其類耳其實杲是雄麻無實若竹器圓曰簞方曰筭鄭注論語亦云簞筭亦是舉其類也白黑之等無正文鄭以形色而言之云大夫無朝事而用之儻尸亦豐大夫之禮者案禮記坐尸於堂子北面而事之注云天子諸侯之祭朝事延尸於戶外是以有北面事尸之禮是特牲少牢正祭無朝事於堂直有室中之事若然大夫雖用天子諸侯朝事之籩豆以其禮殺故八籩八豆之中各取其四耳其韭菹醢者則無骨之醢菹菹醢者即周禮醢醢醢散文亦名醢又案周禮鄭注云齋菹之稱菜肉通金物若牒為菹細切為齋彼菹本不言菹是細切為齋此云菹菹則大夫以菹本為菹異於天子諸侯所用也云主婦取籩與者以饌異親之者鄭意以籩豆俱時設而籩不使婦贊者取籩以授主婦者以籩與豆不同所

○乃升注升牲

實又別故主婦宜親就房親取之也



體於俎也疏

釋曰自乃升盡于其上論司馬載俎因歷說十一俎之事

司馬杞羊亦

司馬載載右體肩臂肫骼臠正脊一脰脊一橫脊一短

脅一正脅一代脅一腸一胃一祭肺一載于一俎注言

斂尸俎復序體者明所舉肩骼存焉亦著脊脅皆一骨

也臠在下者折分之以為肉清俎也一俎謂司士所設

羊鼎西第一俎音義

肫音純

疏

注釋曰云言斂尸俎復序體者明所舉肩骼存焉者

上篇少牢載牲體十一脊脅皆加竝骨二尸食特舉脊脅肩骼在於所俎上文直言斂尸俎嫌所舉在所者不在故復序其體所舉肩骼則存焉所舉未知在此正俎為在下羊肉清俎以本脊脅皆二骨以竝今皆一骨故

鄭云明所舉肩髀存焉以肩髀一骨前尸所舉今復序之明在可知脊骨雖舉以其二以竝今脊骨載一骨在正組一骨在清組故鄭云亦著脊骨皆一骨也以其前所舉者未知在何組故直注云著脊骨皆一骨不云存耳云一組謂司士所設羊鼎西第一組者此組在侑組之南故下文注侑組云羊鼎西之北組也鄭君知尸組在南見羊肉清組在豕組之南羊尊豕卑明尸組在侑組之南或解云言第一者最在北故侑組下注云司士所設羊鼎西之北組也明北組則餘組在南已下所注組之次第皆據司士雍人所陳為次義可知也

羊

肉清臠折正脊一正脅一腸一胃一膾肺一載于南組

注肉清肉在汁中者以增組實為尸加也必為臠折上所折分者膾肺離肺也南組雍人所設在南者此以下

十一俎俟時而載於此歷說之爾今文清為汁音義

才

計疏

注釋曰云肉清肉在汁中者以增俎為尸加也者反疏以決正祭之鼎直升牲體無清者以正祭之俎非

如今儻尸增俎實為尸加故有清也凡牲體皆出汁不言清又下豕豕亦出于汁皆不言清此特得清名者特牲少牢正祭升牲體於鼎時皆無匕清故直云升體於俎設於尸前鼎內亦無匕清升文今此升牲體於尸前匕清亦升焉故得清名以在俎實無汁故進羊肉清必先進羊匕清焉然後進羊肉清見此清為肉而有故在羊肉清前進之使尸嘗之故鄭下注云膾清者明清肉加耳嘗之以其汁尚味是也若然豕亦有匕清不名肉清而名豕豕者互見為文言豕者見在俎無汁言肉清者見在鼎內時有汁也若然羊豕互見為文魚何以不言魚清而云清魚者羊先言肉後言清使肉前進匕清明是清從肉來可知魚前無進匕清故先言清以明魚

在清可知魚無已清者鄭下注云不差魚已清略小味也羊有正俎蓋已清肉清豕無正俎無已清隆汙之殺云必為臠折上所折分者上經退臠在下者以折分故退之今此經云臠折即上經所退臠在下者也左右體之臠而必取右體之臠折分用之貴神俎故也若然脊膏二骨亦分一骨為肉清者亦是貴神俎故也云此以下十有一俎俟時而載於此歷說之爾者案下文卒升賓長設羊俎於豆南賓降尸升筵唯設此一俎餘十一俎皆未又主人主婦俎升席時乃設之是其俟時而載今於此已下雖未載因前俎遂歷陳說之耳十一俎者即尸之羊肉清一也豕脰俎二也脰之羊俎三也豕俎四也主人羊俎五也羊肉清俎六也豕脰七也主婦羊俎八也尸俎主人三者皆有魚俎是其十一通尸羊正俎為十二俎其四俎尸俎主人主婦載羊體俎皆為正俎其餘八俎雍人所執二俎益司士杞豕亦司士載亦送往還故有八其實止二俎也

右體肩臂肫骼臠正脊一脰脊一橫脊一短脅一正脅

一代脅一膚五臍肺一載于一俎注臠在下者順羊也

俎為雍人所設在北者疏

注釋曰云臠在下者順羊也者以其豕豕不折臠臠亦在

下順上文羊臠在下由折分此雖不折順羊故亦在下也豕肉清所以不折者由豕無正俎皆是肉清故不順也所折

俎羊左肩左肫正脊一脅一腸一胃一切肺一

載于一俎俎豕左肩折正脊一脅一膚三切肺一載

于一俎注俎用左體俎賤其羊俎過三體有肫尊之

加也豕左肩折折分為長兄弟俎也切肺亦祭肺互言

之爾無羊肅下尸也豕又祭肺不膾肺不備禮俎司士

所設羊鼎西之北俎也豕俎與尸同音義

下尸嫁反下同疏注

曰侑俎用左體者案少牢云載尸俎皆右體脊脅皆二  
骨舉肺一切肺三尸主人主婦盡用腸三胃三尸正俎  
用一肅俎用一唯有一在此是以自侑已下及主人主  
婦皆用左體脊脅若然釂尸俎時左體亦同升於鼎上  
不云者文不具是以前陳俎時皆設于鼎西若不同升  
鼎則侑主人主婦俎如特牲執事之俎陳在階間不應  
在鼎側也若然特牲執事與主人主婦之俎亦不升鼎  
彼為自異於神少牢祝與佐食俎亦不升鼎亦自異於  
神此自侑已下悉與尸同鼎者以賓尸禮益卑唯尸尊  
禮詳侑已下禮略故也云其羊俎過三體有肫尊之加  
也者鼎俎數奇今體數四故云加若禮緯云禮六十已  
上邊豆有加以少牢祝羊豕體各三又下文主人羊

肉清俎體亦三今儻尸之有侑猶正祭之有祝侑四體  
必知以肫為加者侑豕俎無肫主人羊肉清俎亦無肫  
故知有肫為加以立侑以輔尸尊之故以肫為加體也  
云豕左肩折折分為長兄弟俎也者以下文設薦俎而  
注云衆兄弟儀禮文薦豕皆不云折唯兄弟云先生之  
豕折鄭云先生長兄弟折豕左肩之折是以知義然也  
云無羊清下尸也者直云無羊清不云肉者以匕清肉  
清皆無故直云無羊清以包二者皆無此二清尸皆有  
侑皆無故云下尸也云豕又祭肺不齊肺不備禮者上  
尸羊俎有祭肺豕俎有齊肺是備禮侑羊俎豕俎皆切  
肺故曰不  
備禮也  
阼俎羊肺一祭肺一載于一俎羊肉清臂一

脊一脅一腸一胃一齊肺一載于一俎豕胥臂一脊一  
脅一膚三齊肺一載于一俎注阼俎主人俎無體遠下

尸也以肺代之肺尊也加羊肉清而有體崇尸惠亦尊  
主人臂左臂也侑用肩主人用臂下之也不言左臂者  
大夫尊空其文也降於侑羊體一而增豕膚三有所屈  
有所申亦所謂順而撫也阼俎司士所設豕鼎西俎也  
其清俎與尸俎同豕俎又與尸豕俎同音義

撫之疏注  
石反釋

曰無體遠下尸者尸用右體主人用左體是其相下之  
義今主人正俎全無牲體故云遠下尸也云以肺代之  
肺尊也者尸侑一肺今主人一俎有兩肺故以一肺代  
體肺者氣之主食所先祭尊於腸胃故以肺代體云加  
羊肉清而有體崇尸惠亦尊主人者以俎物雖有尸不  
同者羊肉清與尸同至尸酢主人而設之故曰崇尸惠



正俎所以不崇尸惠者遠下尸故無正體無正體遠下尸則無肉清者近下尸故脩無羊肉清注但云下尸此非直崇尸惠亦見尊主人者脩無羊匕清無豕匕清而主人盡有是其尊主人所有尊主人者見下文受酢致爵云不言左臂者大夫尊空其文者牲右體貴左體賤脩用左體皆言左肩左肱今主人用左臂直云臂不云左者大夫尊故空其文似若得用左體然必知是左臂者以右臂在尸俎故也云降於脩羊體一而增豕膚三有所屈有所申亦所謂順而撫也者案禮器注云謂若君沐梁大夫沐稷士沐梁大夫不沐梁屈於君士則申與君同是亦屈申之義故引為證也云其清俎與尸俎同豕俎又與尸豕俎同者以其共用益送之俎故知同也

主婦俎羊左臠脊一脅一腸一胃一膚一膾羊肺一載于一俎注無豕體而有膚以主人無羊體不敢備也

無祭肺有齊肺亦下脩也祭肺尊言齊羊肺者文承膚下嫌也膚在羊肺上則羊豕之體名同相亞也其俎司

士所設在魚鼎西者疏

注釋曰云無豕體而有膚以主人無羊體不敢備也者以主人

俎無羊體故主婦俎亦無豕體以主人遠下尸主婦亦遠下尸也云無祭肺有齊肺亦下脩也祭肺尊者言亦者亦主人下脩也脩用肩主人用臂祭肺尊齊肺卑俎祭肺主人主婦皆齊肺故云下脩也云齊羊肺者文承膚下嫌也者肺文承膚下有豕肺之嫌故須辨之云齊羊肺者以別之也云膚在羊肺上則羊豕之體名同相亞也者羊豕雖異脊脅之等體名則同今豕雖直言膚不言體以豕膚在羊肺之上使綽羊之體故云相亞若然下文主人獻賓之時司士設俎羊骼一腸一胃一切肺一膚一所以膚又在肺下者彼取用之先後故退

膚在下

司士杞魚亦司士載尸俎五魚橫載之侑主人皆

一魚亦橫載之皆加膾祭于其上注橫載之者異於牲體彌變於神膾讀如殷尋之尋剗魚時割其腹以為大

臠也可用祭也其俎又與尸豕俎同音義

膾火吳反依注音尋况甫

反剗呼孤反後同剗空吳

疏

釋曰案上歷說十一俎尸

反又口侯反膾力轉反

疏

侑主人之下皆次言豕俎

獨不陳魚俎於豕俎之下而并陳於此者欲見魚水物別於正牲又欲見魚獨副賓長獻三故并於此序之注

釋曰云橫載之者異於牲體彌變於神者以其牲體皆橫載於俎於人為縮鬼進下生人進膝上篇少牢正祭

升體時云下利升豕其載如羊無腸胃體其載于俎皆進下鄭注進下變於食生也所以交於神明不敢以食

道敬之至也引鄉飲酒禮進腓羊次其體豕言進下互  
相見明正祭之時牲體皆橫載進下可知至此儻尸事  
神禮簡儻尸禮隆以尸為賓客故從生人禮牲體皆自  
進腓橫載於俎異於載魚於正祭之時縮載故少牢云  
司士升魚十有五而俎縮載右首進腓於俎為縮於尸  
為橫首向右腹腓向尸鄭注云右首進腓亦變於食生  
也若生人則亦縮載於人為橫首亦向右進鰭脊向人  
腹腓向外今儻尸之禮載魚宜亦同生人縮載進鰭今  
橫載於人為縮不與正祭同又與生人異欲見儻尸之  
禮異於正祭又不得全與生人同鄭云彌變於神者牲  
體既進腓是以變於神至於魚載又橫於俎是彌變於  
神也云臚讀如殷尋之尋者讀從士冠禮郊特牲周弁  
殷尋尋覆也可以覆首此亦取魚腹反覆於上以擬祭  
云其俎又與尸豕俎同者謂上司士所設於豕鼎之西  
也者○卒升注卒已也已載尸羊俎疏釋曰自此盡立于  
庭末論薦獻於尸

之事注釋曰云卒升者案上有主人酌獻尸主婦薦豆又升羊俎進於尸前因歷說十一俎之事今言卒升還計上升羊俎故云卒是以鄭亦云已載尸羊俎而言之此事從上文獻尸下盡乃卒爵有五節五節者從主人獻酒於尸并主婦設籩豆是其一也賓長設俎二次賓羞羊匕滂三也司馬羞肉滂四也次賓羞羊燔尸乃卒爵

賓長設羊俎于豆南賓降尸升筵自西方坐左執爵右取韭菹換于三豆祭于豆閒尸取饔飧宰夫贊

者取白黑以授尸尸受兼祭于豆祭注賓長上賓疏

釋曰

上文載羊俎退卒升於十一俎下者欲就此賓長設羊俎之事故此言賓長設羊俎于豆南賓乃降注釋曰云賓長上賓者案下三獻時云上賓洗爵注云上賓賓賓長也是以鄭上下交相曉為一人者也雍人授

次賓疏匕與俎受于鼎西左手執俎左廉縮之卻右手  
執匕枋縮于俎上以東面受于羊鼎之西司馬在羊鼎  
之東二手執挑匕枋以挹清注于疏匕若是者三注挑  
謂之歆讀如或春或枕之枕字或作挑者秦人語也此  
二匕者皆有淺升狀如飯操挑長枋可以抒物於器中  
者注猶瀉也今文挑作枕挹皆為扱音義挑湯堯反劉  
湯姚反又他  
羔反一音由又食汝反挹一入反歆初洽疏注釋曰云  
讀如或春  
反劉初輒反下扱同操七消反抒食汝反或枕之枕者讀從詩或春或枕彼注枕抒曰也云此二  
匕者皆有淺升狀如飯操此以漢法況之言淺升對尋

常勺升深  
此淺耳

尸興左執爵右取肺坐祭之祭酒興左執爵

注肺羊祭肺疏

注釋曰知羊祭肺者見上載尸羊正俎而云祭肺一故知此羊俎上祭肺其羊

肉清雖有膾肺一此下經乃次賓縮執匕俎以升若是

升此時未升故知非膾肺也

以授尸尸卻手受匕枋坐祭膾之興覆手以授賓賓亦

覆手以受縮匕于俎上以降注膾清者

明清肉加耳嘗

之以其汁尚味音義

覆芳伏反下同

疏

注釋曰云膾清者明清肉加耳嘗之以其汁尚

味者此匕清似大羹案特牲大羹不祭不膾以不為神

非盛此膾之者明肉清加先進其汁而嘗之尚味故也

以肉清加在鼎有汁在俎無汁故以匕進汁是以上注

云肉清肉在汁中者以增俎實為尸如是也特牲大羹

自門入本不在鼎不調之此肉  
清在鼎已調之故云尚味也

尸席末坐啐酒興坐奠

爵拜告旨執爵以興主人北面于東楹東答拜注旨美

也拜告酒美答主人意古文曰東楹之東音義

啐七疏內反

釋曰案上篇少牢尸不啐奠不告旨大夫之禮尸彌尊至於饋尸啐酒告旨者異於神奠具尸禮彌饋故也

司馬羞羊肉清縮執俎尸坐奠爵興取肺坐絕祭齊之

興反加于俎司馬縮奠俎于羊潛俎南乃載于羊俎卒

載俎縮執俎以降注絕祭絕肺末以祭周禮曰絕祭清

使次賓肉使司馬大夫禮多崇敬也疏

注釋曰引周禮者案大祝職辨



九祭七曰絕祭注云絕末以祭引之證絕祭與此同也  
云清使次賓肉使司馬大夫禮多崇敬也者司馬火官  
羊又火畜則羊清與肉皆當司馬載之案上文次賓載  
清此經司馬羞肉者以大夫官多各使載其一是以云  
大夫禮多尸坐執爵以興次賓羞羊燔縮執俎縮一燔  
崇敬也

于俎上鹽在右尸左執爵受燔煠于鹽坐振祭齊之興

加于羊俎賓縮執俎以降注燔炙疏

注釋曰案詩云載燔載烈注云傳火

曰燔貫之加于火曰烈烈則炙也彼以燔相對則異此云燔炙者燔之傳火亦是炙類故曰燔炙

尸降

筵北面于西楹西坐卒爵執爵以興坐奠爵拜執爵以興主人北面于東楹東答拜主人受爵尸升筵立于筵

末○主人酌獻侑西楹西北面拜受爵主人在其右

北面答拜注不洗者俱獻閒無事也主人就右者賤不

專階疏

釋曰自此盡主人答拜論主人獻侑并薦俎從獻之事也此節內從獻有三事主人獻時主婦

薦邊豆一也司馬羞羊俎二也次賓羞羊燔三也侑降於尸二等無羊已消又無肉消注釋曰云不洗者俱獻閒無事也者此則以其獻尸訖即獻侑中閒無別酢酬之事故不洗凡爵行爵從尊者來向卑者俱獻閒無事則不洗爵從卑者來向尊雖獻閒無事亦洗是以此文獻尸訖俱獻侑不洗是爵從尊者來故特牲賓致爵於主人洗爵者鄭云洗乃致爵為異事新之以其承佐食賤雖就獻閒以其爵從卑者來故洗之故不儻尸鄭注云洗致爵者以承佐食賤新之是爵從卑者來故洗也云主人就右者賤不專階者對主人不就尸階者尸尊

得專階  
故也

主婦薦韭菹醢坐奠于筵前醢在南方婦贊者

執二簋醴蕡以授主婦主婦不興受之奠醴于醢南蕡

在醴東主婦入于房注醢在南方者立侑為尸使正饌

統焉疏

注釋曰凡設菹常在右便其揅今菹在醢北者以其立侑以輔尸故菹在北統於尸也

侑

升筵自北方司馬橫執羊俎以升設于豆東侑坐左執

爵右取菹揅于醢祭于豆間又取醴蕡同祭于豆祭興

左執爵右取肺坐祭之祭酒興左執爵次賓羞羊燔如

尸禮侑降筵自北方北面于西楹西坐卒爵執爵以興

坐奠爵拜主人答拜注答拜拜於侑之右疏

注釋曰知拜於侑之

右者以其前拜爵時主人在侑之右

○尸受侑爵降洗侑降立于西階西

東面主人降自阼階辭洗尸坐奠爵于篚興對卒洗主

人升尸升自西階主人拜洗尸北面于西楹西坐奠爵

答拜降盥主人降尸辭主人對卒盥主人升尸升坐取

爵酌注酌者將酢主人疏

釋曰自此盡就筵論主人受尸酢并薦籩豆及俎之事就

此事中亦有五節行事尊主人故與尸同也尸酢主人時主婦亦設豆籩一也賓長設羊俎二也次賓羞羊匕清三也司馬羞肉清四也次賓羞羊燔主人乃卒爵五也但特牲少牢主人獻尸尸即酢主人主人乃獻祝及

佐食此尸待主人獻侑乃酢主人不同者此尸卑達主人之意欲得先進酒於侑迺自飲彼尸尊不達主人欲自達已意故先酢主人乃使主人獻祝與佐食故不同是以下文賓長獻尸致爵主人尸乃酢之遂賓意亦此類也司宮設席于東序西面主人東楹東北面拜受爵尸

西楹西北面答拜主婦薦韭菹醯坐奠于筵前菹在北

方婦贊者執二籩饔蕢主婦不興受設饔于菹西北蕢

在饔西主人升筵自北方主婦入于房注設籩于菹西

北亦辟鉶疏

釋曰此乃陳主人受酢設席之位案特牲士少牢下大夫皆致爵乃設席此饋尸受

酢即設席者以其饋尸尸益卑主人益尊故上一等受酢即設席案上設尸籩云興取籩于房饔蕢注云以饌

異親之與此婦贊者執二籩饔黃主婦不興受文不同者凡執籩豆之法皆兩僂執之此侑與主人皆二籩故主婦與婦贊者各執其二於事便故主婦不興受設之上尸籩豆各四故主婦興取籩豆于房亦見異饌親之義也注釋曰云設籩于菹西北亦辟銅者上設侑籩正當豆此在西北明辟銅云亦亦尸籩當豆西外列以辟也銅故長賓設羊俎于豆西主人坐左執爵祭豆籩如侑

之祭興左執爵右取肺坐祭之祭酒興次賓羞匕清如尸禮席末坐啐酒執爵以興司馬羞羊肉清縮執俎主人坐奠爵于左興受肺坐絕祭齊之興反加于清俎司馬縮奠清俎于羊俎西乃載之卒載縮執虛俎以降注

奠爵于左者神惠變於常也言受肺者明有授言虛俎

者羊清俎訖於此虛不復用疏

注釋曰云言虛俎者羊清俎訖於此虛不復用

者此俎雍人所執陳奠於羊俎西在南者自次賓羞也清司馬羞羊肉清於尸次賓又羞也清於主人同用此俎二降皆不言虛欲見後將更用至於此言虛俎明其不復用此俎又見下次賓羞羊燔於主人則用北之豕俎而得羞羊燔者以其禮殺故也主人坐取爵以興次賓羞燔主人受

如尸禮主人降筵自北方北面于阼階上坐卒爵執爵

以興坐奠爵拜執爵以興尸西楹西答拜主人坐奠爵

于東序南注不降奠爵於篚急崇酒疏

釋曰直云次賓羞燔者燔即羊

燭知者以其主人與尸侑皆用羊體主婦獻尸以後悉用豕體賓長獻尸後悉用魚從是以知主人之燭羊燭也注釋曰云不降奠爵于篚急崇酒者此下唯有崇酒之文更無餘事故云急崇酒案鄉飲酒介答拜主人卒爵生奠於西楹南介右再拜崇酒注云奠爵西楹南以當獻衆賓此不同者彼實有獻衆賓之事故云當獻衆賓亦得見急崇

侑升尸侑皆北面于西楹西注見主人

酒兩見之也

不反位知將與已為禮主人北面于東楹東再拜崇酒

注崇充也拜謝尸侑以酒薄充滿尸侑皆答再拜主人

及尸侑皆升就筵○司宮取爵于篚以授婦贊者于房

東以授主婦注房東房戶外之東疏

釋曰自此盡主婦答拜論主婦亞獻



尸并見從獻之事上文主人獻節凡有三爵有主人獻尸獻侑并受酢此主婦獻內凡有四爵即分為四節解之四者主婦獻尸一也獻侑二也致爵於主人三也受尸酢四也下文賓長為三獻爵止故與主婦亞獻同此主婦亞獻尸一節之內從獻有五五者主婦亞獻主婦設兩剛一也主婦又設糗與修二也次賓羞豕匕清三也司士羞豕胥四也次賓羞豕燔尸乃卒爵五也

主婦洗爵於房中出實爵尊

南西面拜獻尸尸拜于筵上受注尊南西面拜由便也

疏

釋曰賓主獻酢無在筵上受法今尸於筵上受者以婦人所獻故尸不與行賓主之禮故不得各就其階

若然少牢主人祝拜於席上坐受者注云室內迫狹故拜筵上與此禮異注釋曰云尊南西面拜由便也者此決下文西面於主人之北拜送爵今酌尊因在尊南西面拜獻尸者便也言便者便其西面授尸故不退主人

之北主婦西面于主人之席北拜送爵入于房取一羊鉶

坐奠于韭菹西主婦贊者執豕鉶以從主婦不興受設

于羊鉶之西興入于房取糗與臠脩執以出坐設之糗

在簋西脩在白西興立于主人席北西面注飲酒而有

鉶者祭之餘鉶無黍稷殺也糗糗餌也臠脩擣肉之脯

今文臠為斷音義糗去九反臠丁亂反本又作段音同餌音二擣丁老反斷丁亂反疏

注釋曰云無黍稷殺也者尸坐左執爵祭糗脩同祭于決正祭時有黍稷故也

豆祭以羊鉶之杞挹羊鉶遂以挹豕鉶祭于豆祭祭酒

次賓羞豕匕清如羊匕清之禮尸坐啐酒左執爵嘗上  
鉶執爵以興坐奠爵拜主婦答拜執爵以興司士羞豕  
胾尸坐奠爵興受如羊肉清之禮坐取爵興次賓羞豕  
燔尸左執爵受燔如羊燔之禮坐卒爵拜主婦答拜受  
爵○酌獻侑侑拜受爵主婦主人之北西面答拜注酌  
獻者主婦今文無西面疏釋曰同有三等降於尸二等  
無鉶羹與豕匕清同三等者  
主婦酌獻侑主婦羞糗脩一也司士  
羞胾二也次賓羞燔侑乃卒爵三也 主婦羞糗脩坐奠  
糗于饗南脩在黃南侑坐左執爵取糗脩兼祭于豆祭

司士縮執豕脰以升侑興取肺坐祭之司士縮奠豕脰

于羊俎之東載于羊俎卒乃縮執俎以降侑興注豕脰

無滯於侑禮殺疏

釋曰按上下文尸與侑及主人主婦俱是正俎皆橫執俎以升又橫設於

席前若益送之俎皆縮執之又縮於席前今司士所羞豕脰是益送之俎縮執是其常而言縮執者以其文承上主人獻侑時無羊肉滯故主婦獻侑司士羞豕脰不得相如是以經特著縮執俎見異於正俎諸文特云橫執縮執者

皆此類

次賓羞豕燔侑受如尸禮坐卒爵拜主婦答

拜受爵○酌以致于主人主人筵上拜受爵主婦北面

于阼階上答拜注主婦易位拜于阼階上辟併敬疏

釋曰

自此盡答拜受爵論主婦致爵于主人之事此科亦有五節行事主婦致爵于主人時主婦設二銅一也又設糗脩二也豕匕清三也豕胾四也豕燔主人卒爵五也注釋曰云主婦易位拜於阼階上辟併敬者前主婦獻尸併拜送於主人北今致爵於主人拜於阼階上者辟併敬主人與尸併故易位也若然按特牲三獻爵止乃致爵此未三獻已致爵者以上篇已有獻於尸故此不待三獻又見儀尸禮殺故早致

主婦設二

銅與糗脩如尸禮主人共祭糗脩祭銅祭酒受豕匕清拜啐酒皆如尸禮嘗銅不拜注主人如尸禮尊也其異

者不告旨疏

釋曰云主人拜啐酒嘗銅不拜若然則啐酒有拜嘗銅無拜按前主婦獻尸尸坐啐

酒左執爵嘗上銅執爵以興坐奠爵拜拜在嘗銅之下則嘗銅有拜坐啐酒不拜與此違者彼拜雖在嘗銅下

其拜仍為啐酒拜在嘗餽下者以因生啐酒不興即嘗餽嘗餽訖執爵興坐奠爵拜拜仍為啐酒是以特牲少牢尸嘗餽皆不拜或此經啐酒之上無拜文有者衍字也其受豕脰受豕燔亦如尸

禮坐卒爵拜主婦北面答拜受爵○尸降筵受主婦爵

以降注將酢主婦疏

釋曰自此盡皆就筵論尸酢主婦之事此科內從酢有三主婦受酢

之時婦贊者設豆籩一也司馬設羊俎二也次賓羞羊燔主婦卒爵三也以其主婦受從與侑同三主人受從與尸同五尊卑差也主人降侑降主婦入于房主人立于洗東北

西面侑東面于西階西南注俟尸洗尸易爵于篚盥洗

爵注易爵者男女不相襲爵主人揖尸侑注將升主人

升尸升自西階脩從主人北面立于東楹東脩西楹西北面立注俟尸酌尸酌主婦出于房西面拜受爵尸北面于脩東答拜主婦入于房司宮設席于房中南面主

婦立于席西注設席者主婦尊今文曰南面立於席西

疏

注釋曰以賓長以下皆無設席之文唯主婦與主人同設席故云主婦尊特牲及下大夫主婦設席亦是

主婦尊

婦贊者薦韭菹醢坐奠于筵前菹在西方婦人贊

者執饔餼以授婦贊者婦贊者不興受設饔于菹西黃

在饔南注婦人贊者宗婦之少者疏

注釋曰按特牲記云宗婦北堂東面

北上注云宗婦族人之婦其夫屬于所祭為子孫者是也彼直云宗婦是特牲宗婦一人而已不言贊或少未可定此大夫禮隆贊非一人而稱贊

贊主婦及長婦故云宗婦之少者

主婦升筵司馬設

羊俎于豆南主婦坐左執爵右取菹揅于醢祭于豆間又取醢蕡兼祭于豆祭主婦奠爵興取肺坐絕祭齊之興加于俎坐揅手祭酒啐酒注揅手者于悅悅佩巾內則曰婦人亦左佩紛悅古文悅作說音義

悅申銳反注紛悅音同

次賓羞羊燔主婦興受燔如主人之禮主婦執爵以出于房西面于主人席北立卒爵執爵拜尸西楹西北面



答拜主婦入立于房尸主人及侑皆就筵注出房立卒

爵宜鄉尊不坐者變於主人也執爵拜變於男子也音

義

鄉許亮反疏注釋曰云不坐者變於主人也者上主人受

子者上下經凡男子拜卒爵皆莫爵乃拜故云變於男子也

○上賓洗爵以升酌獻

尸尸拜受爵賓西楹西北面拜送爵尸奠爵于薦左賓

降注上賓賓長也謂之上賓以將獻異之或謂之長賓

奠爵爵止也疏

釋曰此一經論賓長備三獻獻尸其尸奠於薦左未舉之事尸不舉者以三獻

訖正禮終欲使神惠均於庭徧得獻乃舉之故下文主人獻及衆賓以下訖乃作止爵若然特牲及下大夫尸

在室內始行三獻未行致爵尸奠爵欲得神惠均於室此饋尸之禮室內已行三獻至此饋尸夫婦又已行致爵訖饋尸又在堂故爵止者欲得神惠均於庭與正祭者異注釋曰云上賓賓長者上文云賓長設羊俎是也此與上文賓長互見為一人云謂之上賓以將獻異之者言長賓賓中長尊稱輕若言上賓賓中上尊稱重故以將獻變言上賓云或謂之長賓者或少牢文案彼云長賓洗爵獻于尸此異之稱上賓者少牢尸有父尊屈之故但云長賓耳若然不饋尸亦云長賓特牲云賓三獻如初又不言長賓者士賓卑又屈之云奠爵爵止者特牲云賓三獻如初燔從如初爵止不饋尸者亦是其爵止之事按下經爵止者多非為賓神惠之事故此特解

○主人降洗爵尸侑降主人奠爵于篚辭尸對卒

洗揖尸升侑不升注侑不升尸禮益殺不從疏

釋曰自此盡皆

左之論主人酬尸設羞之事注釋曰云侑不升尸禮益殺者賓尸之禮殺於初今侑不升又殺故云益殺也

主人實爵酬尸東楹東北面坐奠爵拜尸西楹西北面答拜坐祭遂飲卒爵拜尸答拜降洗尸降辭主人奠爵于篚對卒洗主人升尸升主人實爵尸拜受爵主人反位答拜尸北面坐奠爵于薦左注降洗者主人疏

釋曰此主

人酬尸尸奠於薦左者不舉按下經二人舉解于尸侑奠解于右注云奠于右者不舉也神惠右不舉變於飲酒與此不同者特牲及下不償尸皆無酬尸之事此特有之由賓尸如與賓客飲酒故有酬異於神惠神惠右不舉侑奠於右是也侑一名加者少牢無侑及此乃有故無加稱是以主人酬賓賓奠於左亦是神惠故即

舉之特牲及不償尸皆有酬賓同是神惠故皆奠於左也

尸侑主人皆升筵○乃羞

宰夫羞房中之羞于尸侑主人主婦皆右之司士羞庶

羞于尸侑主人主婦皆左之注二羞所以盡歡心房中

之羞其籩則糗餌粉飧其豆則醢食糝食庶羞羊臠豕

臠皆有載醢房中之羞內羞也內羞在右陰也庶羞在

左陽也音義

餐在私反醢以支反劉書支反食音寺下同糝素感反

疏

注釋曰以二羞是庶

羞房中之羞以賓尸用之故云盡歡心云房中之羞其籩則糗餌粉飧者是周禮籩人職羞籩之實按彼鄭注

云此二物皆粉稻米黍米所為也合蒸曰餌餅之曰飧糗者搗粉熬大豆為餌餐之粘著以粉之耳餌言糗餐

言粉互相足是也云其豆則配食糝食者周禮醯人職羞豆之實按彼鄭云配餐也內則曰取稻米舉搔澠之小切狼膾膏以與稻米為餐又曰糝取牛羊豕之肉三如一小吃之與稻米稻米二肉一合以為餌煎之是也若然按王制云庶羞不踰牲注云祭以羊則不以牛肉為羞依內則羞用三牲者據得用大牢者若大夫已下不用大牢者則無牛矣而此引之者舉其成文以曉人耳云庶羞羊膾豕臠皆有臠知者按公食大夫牲皆臠及炙臠今此鄭直云膾臠不言炙者公食大夫是食禮故庶羞並陳此賓尸飲酒之禮故主人獻尸皆羊膾從主婦獻皆豕臠從酬賓之後乃言司士羞庶羞則知止有羊膾豕臠羊臠豕臠以其膾炙前已從獻訖故知止有膾臠而已云房中之羞內羞也者按下大夫不饋尸云乃羞宰夫羞房中之羞司士羞庶羞于尸祝主人主婦內羞在右庶羞在左是也云內羞在右陰也者以其是穀物故云陰也云庶羞在左陽也者以其是牲物故

云陽也大宗伯亦云天產作陰德地產作陽德鄭亦云天產六牲之屬地產九穀之屬是其穀物陰牲物陽者也

○主人降南面拜衆賓于門東三拜衆賓門東北面皆答壹拜注拜于門東明少南就之也言三拜者衆賓

賤旅之也衆賓一拜賤也卿大夫尊賓賤純臣也位在

門東今文壹為一疏

釋曰自此盡賓降論主人獻長賓已下并主人受酢之事注釋曰云

拜于門東明少南就之也者以其繼門言之明少南就之云言三拜也者衆賓賤旅之也者按周禮司士職孤卿特揖大夫以其等旅揖注云特揖一一揖之旅衆也大夫爵同者衆揖之此云旅之者旅衆也衆人共得一拜云衆賓一拜賤也者以賤不得備禮故云賤也云純臣也位在門東者此對特牲記云公有司門西北面東

上獻次衆賓私臣門東北面西上獻次兄弟此賓皆在門東故云純臣者指北面時也得獻訖在西階下即不純臣故下經云獻私人于阼階上注云私人家臣已所自謁除也大夫言私人明不純臣也若然大夫云私人

見不純臣士言私臣不言人者大夫尊近君若言私臣則臣與君不異故名私人士卑無辟君臣之名不嫌故臣名私主人洗爵長賓辭主人奠爵于篚興對卒洗升酌

獻賓于西階上長賓升拜受爵主人在其右北面答拜宰夫自東房薦脯醢醢在西司士設俎于豆北羊胾一腸一胃一切肺一膚一注羊胾羊左胾上賓一體賤也

薦與設俎者既則俟于西序端古文胾為胾疏注釋曰云設俎

者既則侯于西序端者按鄉飲酒司正升相旅受酬者降席司正退立于序端然則先事既設後事未至其退立之位當在于序端知此不降者下文賓執祭以降宰夫執薦以從司士執俎以從無升文明此不降退立于序端

賓坐左執爵右取脯揆于醢祭之執爵興取肺坐

祭之祭酒遂飲卒爵執以興坐奠爵拜執爵以興主人

答拜受爵賓坐取祭以降西面坐委于西階西南注成

祭於上尊賓也取祭以降反下位也反下位而在西階

西南已獻尊之祭脯肺疏

注釋曰云取祭以降反下位也反下位而在西階西南已

獻尊之者凡言反位者或反初位或上下位異亦為反此則初位在門東今得獻反在西階南與主人相對已



獻尊之故也若燕禮士得獻位于東方亦是尊之者也云祭脯肺者按經云取脯取肺祭之明祭是脯肺宰

夫執薦以從設于祭東司士執俎以從設于薦東○衆

賓長升拜受爵主人答拜坐祭立飲卒爵不拜既爵注

既盡也長賓升者以次第升受獻言衆賓長拜則其餘

不拜疏注釋曰云長賓升者以次第升受獻者知不直次上賓後一人為衆賓長時受獻必以長幼次

第受獻者以其下文云宰夫贊主人酌若是以辯鄭云每獻一人奠空爵于楹宰夫酌授於尊南是以長幼次

第受獻也宰夫贊主人酌若是以辯注主人每獻一人奠空

爵于楹宰夫酌授於尊南今文若為如辯皆作徧辯受

爵其薦脯醢與胥設于其位其位繼上賓而南皆東面

其胥體儀也注徧獻乃薦略之亦宰夫薦司士胥儀者

尊體盡儀度餘骨可用而用之尊者用尊體卑者用卑

體而已亦有切肺膚今文儀皆為臠或為議音義度大各反

臠劉疏注釋曰云徧獻乃薦略之者謂若燕禮三卿已音儀疏上得獻即薦大夫徧獻乃薦亦其類云亦宰夫

薦司士胥者此約上賓此衆賓亦同此二人為之云儀者尊體盡儀度餘骨可用而用之尊者用尊體卑者用

卑體而已者以其言儀取尊卑得其儀但尊體既盡就卑體之中度尊卑之儀而用之不可辯其尊體故鄭以

意解之尊者用尊體卑者用卑體而已也云亦有切肺膚者按特牲用離肺知此衆賓用切肺膚者以其侑用

切肺不敢殊於尸明衆賓亦不敢殊於侑  
若然不償尸者亦是不敢變於償尸禮也

○乃升長賓

主人酌酢于長賓西階上北面賓在左注言升長賓則

有贊者為之主人酌自酢序賓意賓卑不敢酢疏

注釋曰特

牲主人獻長賓訖即酢此辯獻乃酢者主人益尊先自達其意特牲主人獻內賓辯乃自酢注云爵辯乃自酢以初不殊其長也則此大夫尊初則殊其長故也主人坐奠爵拜執爵以興賓

答拜坐祭遂飲卒爵執爵以興坐奠爵拜賓答拜賓降

注降反位○宰夫洗觶以升主人受酌降酬長賓于西

階南北面賓在左主人坐奠爵拜賓答拜坐祭遂飲卒

爵拜賓答拜注宰夫授主人觶則受其虛爵奠于篚疏

釋曰自此盡于薦左論主人酬長賓于堂下之事也注釋曰云宰夫授主人觶則受其虛爵奠于篚者謂上主人受賓之酢爵今宰夫既授觶訖因受取酢之虛爵降奠於篚也知然者上文主人受爵訖賓降主人無降文即云宰夫授觶主人受之明主人手中虛爵宰夫受之奠於篚可知若然知不待酬賓虛觥受之奠於篚者以其下文賓之虛觥奠於薦左故知非賓虛解其賓奠薦左者後舉之以為無算爵也

主人洗賓辭

主人坐奠爵于篚對卒洗升酌降復位賓拜受爵主人

拜送爵賓西面坐奠爵于薦左○主人洗升酌獻兄弟

于阼階上兄弟之長升拜受爵主人在其右答拜坐祭

立飲不拜既爵皆若是以辯注兄弟長幼立飲賤不別大夫之賓尊於兄弟宰夫不贊酌者兄弟以親昵來不

以官待之音義

別彼列反疏釋曰自此盡其衆儀也論昵女乙反主人獻兄弟於阼階之事

注釋曰云兄弟長幼立飲賤不別者按特牲云獻長兄弟于阼階上如賓儀士卑長兄弟為貴殊貴賤故云如賓儀長賓坐飲也此大夫禮長賓坐飲衆賓立飲至於大夫貴兄弟賤兄弟長幼皆立飲不得如賓儀故立飲賤不別也云大夫之賓尊於兄弟宰夫不贊酌者兄弟以親昵來不以官待之者決上文大夫賓貴使宰夫贊酌今兄弟酌不使宰夫贊酌者為兄弟是親昵不以官待之故兄弟雖賤於賓不得使人贊酌而親之也辯受爵其位在洗東西面北上升受爵其薦胥設于其位

注亦辯獻乃薦既云辯矣復言升受爵者為衆兄弟言也衆兄弟升不拜受爵先著其位於上乃後云薦胥設於其位明位初在是也位不繼於主人而云洗東卑不

統於尊此薦胥皆使私人疏

注釋曰云既云辯矣復言升受爵者為衆兄弟言也

者以上經云兄弟之長升拜受爵嫌衆兄弟亦升拜受爵是以此更云升受爵直為衆兄弟不拜受爵而言鄭即云衆兄弟升不拜受爵也若然上賓拜受爵又拜既爵衆賓拜受爵不拜既爵長兄弟得與衆賓同衆兄弟又不拜受爵是其差也云先著其位於上乃後云薦胥設於其位明位初在是者初位謂經云其位在洗東西面北上是先著其位於上乃云升受爵者謂發此位升堂受爵又云薦胥設於其位者謂受爵時設薦胥於洗

東西面位是先著其位於上乃後云薦胥設於其位明  
位初在是也故先云洗東位以此而言則衆賓亦先有  
位在門東北面繼上賓後獻訖亦薦胥於位皆是先有  
位不繼於門東而在西階西南者彼謂已獻薦之故也  
云位不繼於主人而云洗東卑不統於尊者按特牲主  
人卑故兄弟助祭之位得繼主人於阼階下南陳又得  
辟大夫不敢自尊也此以大夫尊故兄弟之位洗東  
不繼主人卑不統於尊故也云此薦胥皆使私人者上  
獻賓長及衆賓使宰夫設薦司士設俎又使宰夫贊酌  
至於此獻兄弟為親昵不以官待之主人親酌明亦不  
以官使私人

其先生之胥折脅一膚一注先生長兄弟

折豕左肩之折疏

注釋曰知先生是長兄弟者以其文承長兄弟之下故知先生非老人教

學者折是豕左肩之折者以上初升牲體明其衆儀也

○主人洗獻內賓于房中南面拜受爵主人南面于其右答拜注內賓姑姊妹及宗婦獻于主婦之席東主人不西面尊不與為賓主禮也南面於其右主人之位恒

左人疏

釋曰自此盡亦有薦胥論主人獻姑姊之等於房中之事注釋曰知內賓是姑姊妹及宗婦者

約特牲記而知也云獻於主婦之席東主人不西面尊不與為賓主禮也者按特牲獻內兄弟於房中如獻衆兄弟之儀主人西面答拜此大夫禮主人南面拜故決之不與為賓主之禮也云南面於其右主人之位恒左人者謂人在主人左若鄉飲酒鄉射之等於西階上北面主人在東賓在西此南面則主在西賓在東故云恒也

左人

坐祭立飲不拜既爵若是以辯亦有薦胥注亦設



薦胥於其位特牲饋食禮記曰內賓立于房中西墉下

東面南上宗婦北堂東面北上疏

注釋曰云亦設薦胥於其位者言亦者亦

上先生之等引特牲記者欲見內賓設薦之位處

○主人降洗升獻私人于阼

階上拜于下升受主人答其長拜乃降坐祭立飲不拜

既爵若是以辯宰夫贊主人酌主人於其羣私人不答

拜其位繼兄弟之南亦北上亦有薦胥注私人家臣已

所自謁除也大夫言私人明不純臣也士言私臣明有

君之道北上不敢專其位亦有薦胥初亦北面在衆賓

之後爾言繼者以爵既獻為文凡獻位定疏

釋曰自此盡主人就

筵論主人獻私人之事注釋曰云私人家臣已所自謁除也者此對公士得君所命者此乃大夫自謁請於君除其課役以補任為之云大夫言私人明不純臣也者大夫尊近於君故屈已之臣名為私人云士言私臣明有君之道者士卑不嫌近君故得名屬吏為私臣也云北上不敢專其位者以其兄弟北上今繼兄弟之南亦北上與兄弟位同故云不敢專其位云凡獻位定者上衆兄弟云其位在洗東西面北上升受爵其薦胥設于其位注云先著其位於上明位初在是此不先著位于上俱言繼兄弟者是據獻位為言則未獻時在衆賓後矣按特牲記云私臣位在門東北面是衆賓主人就筵後也云凡獻位定則是未獻以前非定位也

注古文曰升就筵○尸作三獻之爵注上賓所獻爵不

言三獻作之者賓尸而尸益卑可以自舉疏

釋曰自此盡降實于

篚論舉三獻之爵賓長又獻侑并致爵之事注釋曰云上賓所獻爵者若然三獻是上賓不言上賓而言三獻者以其主人主婦并此賓長備三獻因號上賓為三獻是以事名官者也云不言三獻作之者對特牲云三獻作止爵故決之下大夫不儋尸自作爵者順上大夫為文作其爵者以神惠均於庭訖欲使尸飲此酒但此一節之內有四爵行事四者尸作三獻之爵一也獻侑二也致爵於主人三也受尸酢四也司士羞滫

魚縮執俎以升尸取臠祭祭之祭酒卒爵注不羞魚也

滫略小味也羊有正俎羞也滫肉滫豕無正俎魚無也

滫隆汚之殺音義

汚音鳥

疏

注釋曰云不羞魚也滫略小味也者對羊豕牲之大有也

清之等魚無以魚為小味故略之也云隆  
汚之殺者以有者為隆盛無者為殺少也

司士緇奠俎

于羊俎南橫載于羊俎卒乃緇執俎以降尸奠爵拜三

獻北面答拜受爵○酌獻侑侑拜受三獻北面答拜司

馬羞清魚一如尸禮卒爵拜三獻答拜受爵注司馬羞

清魚變於尸疏

注釋曰上文尸使司士羞魚此  
侑使司馬羞魚故云變於尸也

○酌致

主人主人拜受爵三獻東楹東北面答拜注賓拜於東

楹東以主人拜受於席就之疏

注釋曰就之者賓於禮  
當在西階上今在東楹

之東以主人席在於阼階是  
以賓拜於東楹東就之也

司士羞一清魚如尸禮卒

爵拜三獻答拜受爵○尸降筵受三獻酌以酢之注既

致主人尸乃酢之遂賓意疏

注釋曰遂賓意者賓雖不言其意欲得與主人抗獻

酢之禮今乃見致爵於主人訖即酌以酢賓是遂達賓之意

三獻西楹西北面拜受

爵尸在其右以授之尸升筵南面答拜坐祭遂飲卒爵

拜尸答拜執爵以降實于筐○二人洗解升實爵西楹

西北面東上坐奠爵拜執爵以興尸侑答拜坐祭遂飲

卒爵執爵以興坐奠爵拜尸侑答拜皆降注三獻而禮

小成使二人舉爵序殷勤於尸侑疏

釋曰自此盡及私人論旅酬從尸及

上下無不偏之事注釋曰云三獻而禮小成者以此獻為正後仍有舉奠加爵之等終備乃是禮之大成故云小成也云使二人舉爵序殷勤於尸侑者飲酒之禮酬與無算爵乃盡歡心故以旅酬及無算乃為殷勤於尸侑也案鄉飲酒及鄉射特牲等皆一人舉觶為旅酬始二人舉觶為無算爵始今儻尸乃以二人為旅酬始者此儻尸別一體與彼不同以其初時主人酬尸尸奠之侑未得酬故使二人舉觶侑乃得奠而不舉侑既奠一爵尸一爵遂酬於下洗升酌反位尸侑皆拜受爵舉觶是以須二人舉觶

者皆拜送侑奠觶于右注奠于右者不舉也神惠右不舉變於飲酒○尸遂執觶以興北面于阼階上酬主人

主人在右注尸拜於阼階上酬禮殺疏注釋曰決上文尸酢主人主人

東楹東北面拜受爵尸西楹西北面答拜是各  
於其階今尸酬主人同于阼階故云禮殺也 坐奠爵

拜主人答拜不祭立飲卒爵不拜既爵酌就于阼階上

酬主人注言就者主人立待之疏

注釋曰言立待之者以其不言適阼階上

酢主人明主人不去立待之可知

主人拜受爵尸拜送注酬不奠者急

酬侑也疏

注釋曰此決上主人酬賓奠之也

尸就筵主人以酬侑于西

楹西侑在左坐奠爵拜執爵興侑答拜不祭立飲卒爵  
不拜既爵酌復位侑拜受主人拜送注言酌復位明授  
於西階上主人復筵乃升長賓侑酬之如主人之禮注

遂旅也言升長賓則有贊呼之疏

注釋曰知者若不贊呼之則當如上文衆

賓長升兄弟之長升拜受爵故知有贊呼之也

至于衆賓遂及兄弟亦如之皆

飲于上注上西階上遂及私人拜受者升受下飲注私

人之長拜於下升受兄弟之爵下飲之疏

注釋曰私人位在兄弟之

南今言下飲之則私人之長一人在西階下飲之其餘私人皆飲於其位故下經云卒爵升酌以之其位相酬

辯是也

卒爵升酌以之其位相酬辯注其位兄弟南位亦

拜受拜送升酌由西階卒飲者實爵于篚注末受酬者

雖無所旅猶飲疏

注釋曰凡旅酬之法皆執觶酒以酬前人前人領受其意乃始自飲此私



人未受酬者彼雖無人可旅猶自飲之訖乃實  
爵於篚以其酒是前人所酬不可不飲故也

○乃羞

庶羞于賓兄弟內賓及私人注無房中之羞賤也此羞

同時羞則酌房中亦旅其始主婦舉觶於內賓遂及宗

婦疏

釋曰此經論無算爵時羞庶羞於賓及兄弟之等  
事注釋曰云此羞同時羞則酌房中亦旅者旅酬

之下云乃羞庶羞內賓羞在私人之上  
私人得旅酬則房中內賓亦旅可知

○兄弟之後生

者舉觶于其長注後生年少也古文觶皆為爵延熹中

詔校書定作觶音義

熹許疏釋曰自此盡爵止論後生  
其反舉觶於長兄弟主人酬兄

弟之事兄弟之後生者舉觶于其長為無算爵者以其  
長賓所舉奠酬亦為無算爵以此二觶者皆在堂下故

為無算爵尸不與無算爵故舉堂下觶為無算爵其為  
旅酬皆從上發尸為首故特牲等使一人舉觶與賓長  
所舉薦南之觶為旅酬此賓不舉旅酬皆從  
尸舉故所奠者為無算爵亦是異於特牲  
洗升酌降

北面立于阼階南長在左坐奠爵拜執爵以興長答拜

注長在左辟主人疏

注釋曰凡獻酬之法主人常左人若北面則主人在東今長兄弟北

面云長在左則在西故辟主人也

坐祭遂飲卒爵執爵以興坐奠爵拜

執爵以興長答拜洗升酌降長拜受于其位舉爵者東

面答拜爵止注拜受答拜不北面者賓尸禮殺長賓言

奠兄弟言止互相發明相待也疏

注釋曰云賓尸禮殺者案特牲兄弟之弟

子舉解於其長為旅酬又賓弟子兄弟弟子舉解於其長為無算爵拜送皆北面此云東面決上賓尸禮殺也云長賓言奠兄弟言止互相發明者上文主人酬賓奠爵于薦左是長賓言奠此言爵止是兄弟言止長賓言奠明止而未行此言止明亦奠薦左故云互相發明也云相待也者酬賓雖在前及其行之相待俱時舉行故下文云賓及兄弟交錯其酬皆遂及私人爵無算是也若二人舉解于尸侑侑奠于右不舉尸即酬主人主人酬侑侑酬長賓至于衆賓遂及兄弟遂及私人依次第行徧不交錯所謂旅酬也

○賓長獻于

尸如初無消爵不止注賓長者賓之長次上賓者非即上賓也如初如其獻侑酌致主人受尸酢也無消爵不止別不如初者不使兄弟不稱加爵大夫尊也不用觚

大夫尊者也注

釋曰此一經論衆賓長為加爵數多與上賓異何者上賓獻侑致爵於主人時

皆有清魚從今無清魚從故經云無清也云爵不止者上賓獻尸時亦奠爵待獻堂下畢乃舉觶今尸不止爵即飲故云爵不止注釋曰云賓長者賓之長次上賓者非即上賓者以其上賓將獻異之言上賓此不異其文明非上文上賓為賓長者故以為次上賓者也經云無清爵不止文在如初之下不蒙如初之文則知與上異故文在如初下也云不使兄弟不稱加爵大夫尊也者此決特牲云長兄弟為加爵又衆賓長為加爵不言獻此言獻者尊大夫若三獻之外更容有獻故云大夫尊也云不用觶大夫尊者此亦決特牲云長兄弟洗觶為加爵此用爵爵尊於

○賓一人舉爵于尸如初亦遂之

於下注一人次賓長者如初如二人洗觶之為也遂之

於下者遂及賓兄弟下至于私人故言亦遂之于下也

上言無消爵不止互相發明疏

釋曰此一經論次賓舉觶于尸更為旅酬如上

旅酬之事但前二人舉觶於尸作尸舉旅酬從上至下皆徧飲今亦從上至下故云亦遂之於下注釋曰云上言無消爵不止互相發明者上經云爵止與上賓奠爵云互相發明今此又與上文無消爵不止相發明是以二文皆在如初之下

○賓及兄弟交錯其酬皆遂及私人爵無算

注算數也長賓取解酬兄弟之黨長兄弟取解酬賓之

黨唯已所欲無有次第之數也疏

釋曰自此盡有司徹論堂下行無算爵禮

終尸侑出主人送於廟門外之事注釋曰云長賓取解者是主人酬賓解云長兄弟取解者是兄弟之後生者

舉解于其長之解也

○尸出侑從主人送于廟門之外拜尸不顧

注拜送之疏

釋曰儻尸之禮尸侑賓也故孔子亦云賓不顧矣

拜侑與長賓亦

如之衆賓從注從者不拜送也司士歸尸侑之俎注尸

侑尊送其家主人退注反於寢也有司徹注徹堂上下

之薦俎也外賓尸雖堂上婦人不徹疏

注釋曰云徹堂上下之薦俎也

者案上文堂上有尸侑之薦俎堂下有賓及兄弟之薦俎皆徹之也云外賓尸雖堂上婦人不徹者案特牲云

宗婦徹祝饗豆入于房徹主婦薦俎此篇首云有司徹鄭注云徹室中之饋及祝佐食之俎為特儻尸故使有

司徹之下大夫不儻尸改饋饌于室中西北隅云有司徹饋饌於室中西北隅至篇末禮終云婦人乃徹注

云徹祝之薦及房中薦俎不使有司者下上大夫之禮然則此篇首云有司徹別無婦人也下大夫有司饌陽厭婦人徹之篇末云徹室中之饌注云有司饌之婦人徹之外內相兼禮殺此戶外賓尸亦禮殺嫌婦人亦徹之故云雖堂上婦人不徹婦人必不徹者異於下大夫也堂上賓尸猶如室內之陽厭故鄭注篇首云賓尸則不設饌西北隅以此薦俎之陳有祭象而亦足以厭飮神是也

若不賓尸注不賓尸謂下大夫也其牲物則同不得備

其禮耳舊說云謂大夫有疾病攝昆弟祭曾子問曰攝

主不厭祭不旅不假不綏祭不配布奠于賓賓奠而不

舉而此備有似失之矣音義

綏許恚反本亦作

疏

釋曰自此

盡牢舉如饋論下大夫不賓尸之事注釋曰云不賓尸  
謂下大夫者從尸飲七已前皆與上大夫賓尸者同已  
後則以此祝侑饋之是不賓尸之禮故云不賓尸謂下  
大夫也云其牲物則同不得備其禮耳者謂不備饋尸  
禮也引曾子問者破舊說案彼上云若宗子有罪居于  
他國庶子為大夫其祭也祝曰孝子某使介子某執其  
常事攝主不厭祭不旅不假不綏祭不配注云皆辟正  
主厭厭厭神也厭有陰有陽迎尸之前祝酌奠奠之且  
饗是陰厭也尸設之後徹薦俎敦設于西北隅是陽厭  
也此不厭者不陽厭也不旅不旅不旅酬也假讀為嘏不嘏  
不嘏主人也不綏祭謂今主人也又云布奠於賓賓奠  
而不舉謂主人酬賓奠解于薦北賓取解奠于薦南是  
也云而此備有似失之矣謂此不饋尸者不厭已則祝  
下皆有則非如舊說使昆弟攝者故云似失之矣則祝  
侑亦如之注謂尸七飯時音義飯扶晚反疏注釋曰案  
後皆同上篇尸食



七飯告飽祝西面于主人之南獨  
侑不拜侑曰皇尸未實侑是也

尸食注八飯疏

注釋曰上

已七飯故知此當八飯也

乃盛俎臠臂肫臠脊橫脊短脅代脅皆牢

注盛者盛於所俎也此七體羊豕其脊脅皆取一骨也

與所舉正脊幹骼凡十矣肩未舉既舉而俎猶有六體

焉音義

盛音成注及下同

疏

釋曰案特牲尸食訖乃盛今八飯即盛者大夫禮與士相變若然此

先言臠者見從下起不言盛肩肩未舉舉乃盛不言骼已舉先在俎有司微不盛俎者賓尸之禮更無所用全以歸尸故也注釋曰云盛者盛於所俎也者以特牲云盛所俎俎釋三个故知盛於所以歸尸故也云此七體羊豕者以其五鼎下有魚腊膚又不升故唯羊豕也云其脊脅皆取一骨也與所舉正脊幹骼凡十矣者案

上篇載時皆二骨以竝今但盛一骨不云正脊長脅者  
先舉一骨故不序也凡骨體之數左右合為二十一體  
案少牢注云肩臂膈肱骨也膊髀股骨也鄉飲酒注前  
脛骨三肩臂膈也後脛骨二膊髀也又後有髀股折特  
牲記云主婦俎穀折注云穀後足也昏禮不數者凡體  
前貴於後穀賤於膈故數膈不數穀是以不升於鼎又  
以髀在肱上以竅賤正俎不用又脊有三分一分以為  
正脊次中為脰脊後分為橫脊脊亦為三分前分為代  
脊次中為長脊後分為短脊是其二十一體也云而俎  
猶有六體焉者謂三脊三脅皆取一骨盛於所各有一  
骨體在俎不取以備陽厭也  
故云而俎猶有六體焉也

魚七注盛半也魚十有五

而俎其一已舉必盛半者魚無足翼於牲象脊脅而已

疏

注釋曰云魚十有五而俎者案少牢載魚鮓云十有五而俎云其一已舉者謂尸食時已舉其一唯有十

四在云必盛半者魚無足翼於牲象脊骨而已者案中  
候云魚者水精隨流入得申朕意鄭注引春秋緯璇  
璣樞曰魚無足翼紂如魚乃討之是也紂雖有臣無益  
於股肱若魚雖有翼不能飛若然此注云魚無翼者亦  
從彼文魚雖有翼不能飛云象脊骨者六體十二骨盛  
六是半魚無足象牲脊骨亦盛半盛半相似數則不同  
以其牲之脊骨則也

**腊辯無髀注亦盛半也所盛者右體**

也脊屬焉言無髀者云一純而俎嫌有之古文髀作脾

**疏**

注釋曰云亦盛半者謂除尸舉其餘兩半亦似魚十  
四盛七為半必知盛半者以其此腊在魚下明盛半

與魚同此腊亦盛右體知者以其牲用右故此亦盛右  
體知脊屬焉者案上篇少牢云腊一純而俎脊不折直  
為一段代脅長脅短脅各一段左右三脅骨合為六  
體并脊為七通肩臂等十為十七體與牲體同如腊肩

尸食既舉而俎唯有十六在言盛半明脊屬又且凡牲載體者脊皆屬焉下經云乃撫于魚腊俎俎釋三个其餘皆取之明不盡盛可知若然案上虞禮升腊左脾髀不升實于下鼎注云腊亦七體牲之類又特牲記云腊如牲骨鄭注云不但言體以有一骨二骨者以此言之腊與牲體設骨多少盡同而云腊脊骨皆一改者以其左右盡升欲使祝及主婦已下俱取於此腊體故下云祝主人之魚腊取于是注云祝主人主婦俎之魚腊取於此者大夫之禮文待神餘也三者各取一魚其腊主人臂主婦肱祝則骼也今若復分一骨二骨則數多於特牲特牲祝以下俎無腊體不升腊左脾故云腊如牲骨與牲右脾同上篇少牢雖祝俎有腊兩脾屬饗上大夫禮又異於此士虞禮祝以下亦無腊體故鄭注士虞禮腊亦七體牲之類鄭注士昏禮云凡腊用純者據上下大夫以上祭祀及士之嘉禮士祭禮則腊不用純辟大夫云言無髀者云一純而俎嫌有之者案上篇少牢

載腊云一純而俎不云髀不升故此明之而云腊辯無髀也案上篇少牢祝俎云腊兩髀在祝俎不升於鼎不在神俎已自明矣今此更明之者以少牢陳鼎上下大夫皆同今此下大夫不備尸其祝俎腊髀不云無髀何以明

卒盛乃舉牢肩尸受振祭齊之佐食受加于所注

卒已佐食取一俎于堂下以入奠于羊俎東注不言魚

俎東主於尊注

注釋曰案少牢云設俎羊在豆東豕亞其北魚在羊東腊在豕東特膚當俎北

端今撫魚腊宜在魚俎東而繼羊俎言之以羊尊為主也

乃撫于魚腊俎俎釋三个

其餘皆取之實于一俎以出注个猶枚也魚撫四枚腊

撫五枚其所釋者腊則短脅正脅代脅魚三枚而已今

文撫為揲音義

个古賀反揲之石反劉音與撫同

疏

注釋曰知魚撫四枚脂撫五枚者以

魚盛半其俎猶有七个在故撫去四枚釋三个脂盛半而俎猶有八體在撫去五枚釋三个皆為改饌西北隅也云脂則短脅正脅代脅魚三枚而已者以脂右體已盛脊又屬焉唯有左在下文云主人脂臂主婦脂臠祝則骼所釋者故知脅又牲體所釋者是脅脊此脂脊已在盛半限故知所釋唯有三脅耳

祝主人之

魚腊取于是注祝主人主婦俎之魚腊取于此者大夫

之禮文待神餘也三者各取一魚其腊主人臂主婦臠

祝則骼也與此皆於鼎側更載焉不言主婦未聞音義

與音疏

注釋曰案特牲士禮不待神餘故主人主婦祝皆無腊上大夫之祝當有腊俎至於饋尸腊為

庶羞又不載於俎與此異此下大夫待神餘故祝主人  
主婦皆有腊體也云其腊主人臂主婦膂祝則路也與  
者主人用臂主婦用膂見於下經祝無文而知用路以  
其路無正文故云與以疑之也云此皆於鼎側更載焉  
者上揔時共在一俎以出及下設時主人主婦及祝各  
異俎又不同時故知更載俎云鼎側則不復升鼎也云  
不言主婦未聞者下有主婦俎腊膂則主婦用腊可知  
此經直云祝主人不云主婦未聞其義或轉寫者脫耳  
尸不飯告飽主人拜侑不言尸又三飯注凡十一飯士

九飯大夫十一飯其餘有十三飯十五飯疏

注釋曰上篇士禮九

飯少牢上下大夫同十一飯士大夫既不分命數為尊卑則五等諸侯同十三飯天子十五飯可知

佐食

受牢舉如賓注舉肺脊疏

釋曰自此盡薦胥皆如賓禮論主人獻尸祝及佐食之事

此主人獻有五節主人獻尸一也酢主人二也獻祝三也獻上佐食四也獻下佐食五也○主人洗

酌醑尸賓羞肝皆如賓禮卒爵主人拜祝受尸爵尸答

拜○祝酌授尸尸以醋主人亦如賓其綏祭其嘏亦如

賓注肝牢肝也綏皆當作接接讀為藏其隋之隋古文

為揔疏注釋曰云綏皆當作接者案經唯有一綏而云皆者鄭并下佐食綏總破之故云皆也云讀為

藏其隋之隋者讀從周禮守祧職云既祭則藏其隋必讀從之者義取隋藏之事也○其獻祝與

二佐食其位其薦胥皆如賓○主婦其洗獻于尸亦如

賓注自尸侑不飯告飽至此與賓同者在上篇疏釋曰自此



盡入于房論主婦亞獻尸及祝并獻二佐食之事此一節之內獻數與主人同唯不受嘏為異注釋曰云與饋同者經既云如饋而注復云與饋同者為事在上篇而發也

主婦反取籩于房中執

棗糗坐設之棗在稷南糗在棗南婦贊者執栗脯主婦不興受設之栗在糗東脯在棗東主婦與反位注棗饋食之籩糗羞籩之實雜用之下賓尸也栗脯加籩之實

也反位反主人之北拜還爵位疏

釋曰此設籩實繼在少牢室內西南隅陰

厭神饌也案周禮籩人職云饋食之籩棗栗桃乾榛榛實羞籩之實糗餌粉羞又加籩之實菱芡栗脯是鄭據籩人職而言也注釋曰云雜用之下賓尸也者案上賓尸者燧黃白黑糗餌之等朝事之籩羞籩之實各用之

而不雜也案上賓尸主婦亞獻尸設籩直有脯脩二籩下大夫之禮主婦亞獻有四籩者賓尸之禮主人獻尸主婦設四籩體黃白黑故至主婦獻時直設糗餌與脯脩二籩通前四籩六籩此主人初獻如上篇無籩從故至主婦亞獻設四籩猶自少於賓尸兩籩尸左執爵取棗糗祝取栗脯以授

尸尸兼祭于豆祭祭酒啐酒次賓羞牢燔用俎鹽在右

尸兼取燔煠于鹽振祭齊之祝受加于胔卒爵主婦拜

祝受尸爵尸答拜注自主婦反籩至祝受加于胔此異

于饋疏

注釋曰上篇主婦但有獻而已無籩燔從之事此篇首饋尸主婦亞獻尸乃有籩餌之事其物

又異唯糗同耳故云此異于饋也上注云自尸胔不飯告飽至此與饋同者在上篇下注云自尸卒爵至此亦

與儻同者亦在上篇此注云此異于儻者謂自此祝受加于所已上至主婦反取邊與儻尸異者也鄭所以不在卒爵上注而在尸答拜下注者取終一事故也

○祝易爵洗酌授尸尸以醋

主婦主婦主人之北拜受爵尸答拜主婦反位又拜上

佐食綏祭如儻卒爵拜尸答拜注

主婦夾爵拜為不賓尸降崇敬今文醋曰酌疏

注釋曰案特牲主婦獻尸不夾爵拜上篇上大夫賓尸主

婦獻尸夾爵拜此下大夫既不賓尸主婦宜與士妻同今夾爵拜者為不賓尸降崇敬故夾爵拜與上大夫同言降謂降賓

○主婦獻祝其酌如儻拜坐受爵主婦主

人之北答拜注自尸卒爵至此亦與儻同者亦在上篇

疏

注釋曰經無尸卒爵之文鄭注云尸者以經有卒爵之文多故言尸以別之也

宰夫薦棗糗

坐設棗于菹西糗在棗南祝左執爵取棗糗祭于豆祭

祭酒啐酒次賓羞燔如尸禮卒爵注內子不薦籩祝賤

使官可也自宰夫薦至賓羞燔亦異于儻疏

注釋曰案特牲主婦

設籩者士妻卑也案上尸與主人籩皆主婦設之至此祝不使主婦而使宰夫設籩故云祝賤使官可也案禮記注內子鄭妻引春秋趙姬請逆叔隗以為內子證鄭妻為內子今此下大夫妻得稱內子者欲見此下大夫妻於祝不為籩兼見上大夫妻亦不薦籩故變言內子也或可散文下大夫妻亦得為內子也云自宰夫薦至賓羞燔亦異于儻者少牢主婦獻祝亦無籩燔從一事此有籩燔從者亦異于儻也

主婦受爵酌

獻二佐食亦如儻主婦受爵以入于房○賓長洗爵獻

于尸尸拜受賓戶西北面答拜爵止注尸止爵者以三

獻禮成欲神惠之均於室中是以奠而待之疏

釋曰自此盡庶

蓋在左論賓長獻尸祝佐食并致爵之事此一節之內凡有十爵獻尸一也主婦致爵於主人二也主人酢主婦三也尸作止爵飲訖酢賓長四也賓獻祝五也又獻上佐食六也又獻下佐食七也賓致爵於主人八也又致爵于主婦九也賓受主人酢十也云賓戶西北面答拜者案上少牢正祭賓獻與此篇首賓長獻皆云拜送此特言答拜者下大夫故也言

○主婦洗于房中酌致

于主人主人拜受主婦戶西北面拜送爵司宮設席注

拜受乃設席寢於士也疏

釋曰此下大夫夫婦致爵之禮祭統云夫祭有十倫之義

七日見夫婦之別焉又曰尸酢夫人執柄夫人受尸執足夫婦相授受不相襲處酢必易爵彼據夫婦致爵而言又詩既醉序云醉酒飽德謂見十倫之義志意充滿是天子諸侯皆有夫婦致爵之事但少牢上大夫受致不酢下大夫受致又酢不致士受致自酢又致是上大夫尊辟君受致不酢下大夫與士卑不嫌得與人君同夫婦致爵也注釋曰云拜受乃設席變於士也者案特牲禮未致爵已設席故云異於士其上大夫正祭未致爵至賓尸尸酢主人設席以有賓尸故設席在前也案周禮司几筵云祀先王昨席亦如之鄭注云昨讀如酢謂祭祀及王受酢之席彼受酢時已設席與大夫禮異也鄭注周禮司几筵又云后諸臣致爵乃設席與此禮同者士卑不嫌主婦薦韭菹醢坐設于席前菹在北方多與君同故也

主婦薦韭菹醢坐設于席前菹在北方

婦贊者執棗糗以從主婦不與受設棗于菹北糗在棗

西佐食設俎臂脊脅肺皆牢膚三魚一腊臂注臂左臂

也特牲五體此三者以其牢與腊臂而七牢腊俱臂亦

所謂腊如牲體疏

注釋曰知是左臂者右臂尸所用故知左臂也云特牲五體此三者以其

牢與腊臂而七者以經云臂脊脅皆牢牢謂羊豕也既有

羊豕臂脊脅俱有是六也通腊臂而七是以牲體唯有

三也云牢腊俱臂亦所謂腊如牲體者腊如牲體特牲

記文案彼云腊如牲骨骨即體也故以體言之以其上

腊撫五枚左肩臂肱肱肱今主人不用肩而用臂者以

其羊豕皆用臂故腊亦用臂是以鄭云腊如牲體但此

腊臂直一骨無竝故

須云腊如牲體也

主人左執爵右取菹揆于醢祭于

豆閒遂祭籩奠爵興取牢肺坐絕祭瘠之興加于俎坐

扱手祭酒執爵以興坐卒爵拜注無從者變於士也亦

所謂順而撫也疏

注釋曰云無從者變於士也者案特牲主婦致爵於主人肝燔竝從此無

肝燔從故云變於士也

主婦答拜受爵酌以醋戶內北面拜注自

酢不更爵殺疏

注釋曰此決上主婦受酢時祝易爵洗酌授尸尸以酢主婦今自酢又不更爵

故云殺也

主人答拜卒爵拜主人答拜主婦以爵入于房○

尸作止爵祭酒卒爵賓拜祝受爵尸答拜注作止爵乃

祭酒亦變於士自爵止至作止爵亦異於賓疏

注釋曰云作止



爵乃祭酒亦變於士者特牲賓三獻如初燭從如初爵止無祭酒之文至三獻作止爵尸卒爵亦無祭酒之文知特牲祭酒訖乃止爵者以經云燭從如初乃云爵止鄭注云初亞獻也亞獻時祭酒訖乃始燭從則三獻燭從如初始云爵止明是祭酒既訖乃始止爵今大夫作止爵乃祭酒故云變於士云自爵止至作止爵亦異於饋者此篇首賓尸禮賓長獻尸奠爵又云尸作三獻之爵不解以為與饋同云異者賓尸止爵在致爵後其作之在獻私人後欲神惠之均於庭此止爵任主婦致爵前作之在致爵後欲神惠均於室中與特牲燭從如初爵止同少牢上篇所以不致爵者為賓尸賓尸止爵者欲室中神惠均於庭故止爵也特牲再止爵者一止爵欲神惠均於室中一止爵者順上大夫之禮也

祝酌授尸賓拜受爵尸拜送坐祭遂飲卒爵拜尸答拜○獻祝及二佐食○洗致爵于

主人注洗致爵者以承佐食賤新之主人席上拜受爵  
賓北面答拜坐祭遂飲卒爵拜賓答拜受爵○酌致爵  
于主婦主婦北堂司宮設席東面注北堂中房以北東  
面者變於士妻賓尸不變者賓尸禮異矣內子東面則  
宗婦南面西上內賓自若東面南上疏注釋曰云東面者變於士妻者  
案特牲記宗婦北堂東面北上注云宗婦宜統於主婦  
主婦南面北東面故云變於士妻云內子東面則宗婦  
南面西上者此無正文鄭以意解之何者宗婦位繼於  
主婦今主婦唯特牲在宗婦位易處則宗婦位亦易處  
則主婦位南面西上可知云內賓自若東面南上者亦約特牲記文也

主婦席北東面拜

受爵賓西面答拜注席北東面者北為下疏

注釋曰案特牲宗婦

東面北上今主婦在宗婦之位東面鄭以北為下者若宗婦之衆則北為上今主婦特位立則依曲禮席東鄉西鄉以南方為上因婦贊者薦韭菹醢菹在南方婦人於陰陽故北為下

贊者執棗糗授婦贊者婦贊者不興受設棗于菹南糗

在棗東注婦人贊者宗婦之弟婦也音義

弟音娣

佐食設

俎于豆東羊臠豕折羊脊脅祭肺一膚一魚一腊臠注

豕折豕折骨也不言所折略之特牲主婦殷折豕無脊

脅下主人羊豕四體與腊臠而五疏

注釋曰云豕折骨也者謂不全體就

體骨中折之故云折骨云不言所折略之者謂不言所折骨名是略之引特牲主婦殺折者鄭略而不言骨名其折是殺折也云豕無脊脅下主人者主人於上文有脊脅也云羊豕四體與脂腠而五者上主人牢與脂臂而七此五主婦升筵坐左執爵右取菹揄于醢祭之祭是其略也

籩奠爵興取肺坐絕祭齊之興加于俎坐拱手祭酒執

爵興筵北東面立卒爵拜注立飲拜既爵者變於大夫

賓答拜賓受爵○易爵于篚洗酌醋于主人戶西北面

拜主人答拜卒爵拜主人答拜賓以爵降奠于篚注自

賓獻及二佐食至此亦異於饋疏

注釋曰異者謂賓獻及二佐食以下至此

奠于篚異於少牢賓長獻直及祝不及佐食  
故鄭彼注云不獻佐食將饋尸禮殺是也

○乃羞宰

夫羞房中之羞司士羞庶羞于尸祝主人主婦內羞在  
右庶羞在左○主人降拜衆賓洗獻衆賓其薦胾其位  
其酬醕皆如饋禮○主人洗獻兄弟與內賓與私人皆  
如饋禮其位其薦胾皆如饋禮○卒乃羞于賓兄弟內  
賓及私人辯注自乃羞至私人之薦胾此亦與饋同者  
在此篇不饋尸則祝猶侑耳卒已也乃羞者羞庶羞疏  
釋曰此一經論主人獻堂下衆賓兄弟下及  
私人并房中內賓皆與上大夫禮同之事○賓長獻

于尸尸醕獻祝致醕賓以爵降實于篚注致謂致爵于

主人主婦不言如初者爵不止又不及佐食疏

釋曰此經論次

賓長獻尸已下之事以其上賓長已獻尸訖明此是次賓長為加爵也注釋曰云不言如初者爵不止又不及佐食者謂不言同上文云賓長獻于尸如初無消爵不止注云如初如其獻侑酌致主人受尸酢也無消爵不止別不如初者此文不與彼同者為經不可如一故鄭注彼此各申經意 ○賓兄弟交錯其

酬無算爵注此亦與饋同者在此篇疏

釋曰此一經論堂下賓及兄弟

行無算爵之事注釋曰此堂下兄弟及賓行無算爵似上大無旅酬故鄭云此亦與饋同者在此篇若此經兼有旅酬鄭不得言與饋同案特牲尸在室內亦不與旅酬之事而堂下賓及兄弟行旅酬又使弟子二人舉

解為無算爵者下大夫雖無償尸之禮堂上亦與神靈共尊不敢與人君之禮同既與神靈共尊故闕旅酬直行無算爵而已特牲堂下得獻之後與神別尊故旅酬無算爵竝皆行之士賤不嫌與君同故得禮備也 ○

利洗爵獻于尸尸醋獻祝祝受祭酒啐酒奠之注利獻

不及主人殺也此亦異於償疏

釋曰此一經論佐食事尸禮將畢為加爵獻尸

及祝之事注釋曰云利獻不及主人殺也者此對上文賓長為加爵及主人此不及主人是殺也又云此亦異於償者案上少牢無利獻賓三獻尸即止此篇首償尸之禮佐食又不與故無佐食獻故云異也 ○主

人出立于阼階上西面祝出立于西階上東面祝告于

主人曰利成祝入主人降立于阼階東西面尸謖祝前

尸從遂出于廟門祝反復位于室中祝命佐食徹尸俎  
佐食乃出尸俎于廟門外有司受歸之徹俎薦俎注自

主人出至此與儻雜者也先養徹主人薦俎者變于士

特牲饋食禮曰徹俎豆籩設于東序下疏

注釋曰云自主人出

至此與儻雜者也者謂有同有不同故上少牢直云祝  
告曰利成此云祝告于主人曰利成上少牢云祝入尸  
設主人降立于阼階東西面尸設彼云祝先此云祝前彼云祝命佐食徹  
階東西面尸設彼云祝先此云祝前彼云祝命佐食徹  
所俎降設于堂下此云祝反復位于室中祝命佐食徹  
尸俎佐食乃出尸俎于廟門外有司受歸之故云雖云  
先養徹主人薦俎者變于士者特牲既饌祝命佐食徹  
俎豆籩此饌前徹俎薦俎故云變于士引特牲者證



徹昨薦俎所  
置之處也

○乃養如賓注謂上篇自司宮設對席至

上餼興出也古文養作餼○卒養有司官徹饋饌于室

中西北隅南面如饋之設右几非用席注官徹饋者司

馬司士舉俎宰夫取敦及豆此於尸設改饌當室之白

孝子不知神之所在庶其饗之於此所以為厭飫不令

婦人改徹饌敦豆變於始也尚使官也佐食不舉羊豕

俎親餼尊也非隱也古文右作侑非作弗疏

釋曰自此下盡篇末

論餼訖改饌於西北隅為陽厭之事注釋曰云官徹饋者司馬司士舉俎者經云官徹則司馬主羊司士主豕

明還遣此二人舉俎可知即上經云司馬判羊司士擊豕是也云宰夫取敦及豆者以其宰夫多主主婦之事此敦及豆本主婦設之今云官徹明非婦人知是宰夫為之也是以上文云宰夫羞房中之羞又上主婦獻祝宰夫薦鄭注云內子不薦籩祝賤使官可也以此言之則宰夫代主婦設籩豆及敦可知云當室之白孝子不知神之所在庶其饗之於此所以為厭厭者此言雜取曾子問郊特牲祭義之文案曾子問說陽厭之事云當室之白尊於東房鄭云得戶明者也郊特牲云索祭祝于祊不知神之所在於彼乎於此乎尚曰求諸遠者與祭義云勿勿乎其欲饗之是鄭所取陽厭及祊祭求神之事云不令婦人改饌敦豆變於始也尚使官也者此決少牢初設饌主婦薦兩豆宗婦一人贊兩豆主婦設一敦宗婦贊三敦是其始時婦人設之今使宰夫徹豆敦者尚使

納一尊于室中注陽厭殺無玄酒司宮埽祭

注埽豆間之祭舊說云埋之西階東疏

注釋曰引舊說者案曾子問凡

幣帛皮圭為主命埋之階間此豆間之祭案舊說埋之西階東以神位在西故近西階是以鄭亦依用也

○

主人出立于阼階上西面祝執其俎以出立于西階上

東面司宮闔牖戶注閉牖與戶為鬼神或者欲幽闇祝

告利成乃執俎以出于廟門外有司受歸之衆賓出主

人拜送于廟門外乃反注拜送賓也者亦拜送其長不

言長賓者下大夫無尊賓也疏

注釋曰此決賓尸時尸出侑從主人送於廟門

之外拜尸不顧拜侑與長賓亦如之衆賓從鄭注云從者不拜送也言從者不拜送則此云拜送者拜送其長

可知不言長者下大夫賤無尊賓故不別其長也

婦人乃徹注徹祝之薦及房

中薦俎不使有司者下上大夫之禮疏

注釋曰云不使有司者下上大夫

夫之禮者決

上大夫祭畢將償尸有司徹賓尸禮

徹室

中之饌注有

司饌之婦人徹之外內相兼禮殺疏

注釋曰云

有司饌之婦人徹之外內相兼禮殺者此徹室中之饌

之故云外內相兼外者謂有司官政饌西

北隅內者謂今婦人徹饋故云相兼也

儀禮注疏卷十七

儀禮注疏卷十七考證

雍人合執二俎陳于羊俎西竝注司士以羞豕匕清豕

胥清魚○豕匕清下監本衍豕肉清三字

臣紱

按下

司士匕豕即豕胥也絕無豕肉清之名蓋後人妄增

者今刪疏文並同

主人西面左手執几縮之注拂者外拂之也推拂去塵

示新○監本脫拂者外拂之也句

臣紱

按士昏禮疏

引此注有之今據彼補正

主婦自東房薦韭菹醢疏皆朝事之豆籩者按周禮籩人云朝事之籩○監本脫者字以下十一字今据下文醢人例依周官原文補之

侑俎豕左肩折正脊一脅一膚三○

臣紱

按下阼俎注

云降於侑羊體一而增豕膚三謂膚三為增于侑俎似侑俎無膚三也然諸本皆同無可取正存疑於此注俎司士所設羊鼎西之北俎也○

臣紱

按上司馬

杞羊注云一俎謂司士所設羊鼎西第一俎彼第一

則此當第二不應反在其北疑北字是次字之譌然  
疏已作北俎釋之今仍之而附識所疑如此

主婦俎疏以豕膚在羊肺之上使烝羊之體○

臣學健

按此非烝法疑有譌繆

司士杞魚疏其俎又與尸豕俎同者謂上司士所設於  
豕鼎之西者也○

臣紱

按据上經鄭注此俎當是雍

人所設在北者疏語似繆未敢輕改

二手執挑匕枋以挹清○挑石經作桃

注狀如飯操○操監本作慘今據釋文改正

臣紱

按

操慘經史每有互譌操慘等字亦然蓋曹魏避諱所改後人相沿以致淆混其實音義迥別不可通用

次賓縮執乚俎以升若是以授尸尸卻手受乚枋○受字監本譌作授石經亦作授而刊其才旁知受字是也今改正

賓亦覆手以受○受字監本譌作授今以石經及教本改正



司馬縮奠俎于羊清俎南○

臣紱

按此羊俎非羊清俎

也清字衍教繼公亦云然石經亦有清字今仍監本而加圈以別之

卒載俎○石經載下無俎字

尸侑皆答再拜主人及尸侑皆升就筵○教繼公云升就二字宜衍其一

主婦洗爵於房中○石經及教本無爵字

尸坐左執爵祭糗脩同祭于豆祭○教繼公云上祭字

當作取蓋字誤也

主婦設二餽與糗脩如尸禮主人共祭糗脩○共石經  
及教本作其

受豕匕消拜啐酒○教本啐酒上無拜字石經有之疏  
亦兩解竝存今仍監本

主人降洗爵尸侑降○爵石經及教本作解

主人實爵酬尸○爵石經及教本作解

尸升主人實爵○爵石經及教本作解

疏侑一名加者○

臣學健

按此下辭意不明非疏文

謫衍即注有脫文

賓坐左執爵右取脯揆于醢祭之○脯監本作肺教本

作脯從之

臣紱

按注疏甚明脯字無疑

遂飲卒爵執以興○教繼公云執下似脫一爵字石經  
有爵字然則教氏所据者非石經也今仍監本

宰夫執薦以從○薦監本謫爵今依石經及教本改

乃升長賓主人酌酢于長賓西階上北面○教繼公云

下長賓二字似衍鄉飲酒禮主人實爵以酢于西階  
上此宜類之臣紱按此長賓當酢主人主人達賓之  
意而自酢即云酢于長賓可也

其先生之齋折○監本脫其字今依石經及教本補之  
酌獻侑侑拜受三獻北面答拜○監本此下衍受爵酌  
獻侑侑拜受三獻北面答拜十四字石經及他本無  
之今刪

司馬羞滑魚○教繼公云司馬當作司士字之誤也

臣

學健

按以設俎之人差次之教說良是

尸降筵受三獻酌以酢之○石經及教本三獻下有爵  
字酢石經作醋

兄弟之後生者注延熹中詔校書定作解○熹監本謬  
景今考延熹係漢桓帝年號釋文于此有熹許其反  
四字亦足証景字之謬

疏兄弟之後生者云云一段○監本誤刊于上二人  
洗解疏末今据經文節次移此

臣學健

按据此疏則

注中似有脫文

若不賓尸○賓石經作賓

疏謂主人酬賓奠觶于薦北賓取觶奠于薦南○監本脫此十七字今據曾子問注文補之

魚七疏按中候云魚者水精隨流入得申朕意○申朕或作申侯或作中候

又疏紂如魚乃討之○討或作紂此引緯書文義不可曉闕之

卒盛注卒已○卒已監本譌舉已今依續通解改正

佐食取一俎于堂下以入奠于羊俎東○教繼公云羊俎當作魚俎字之誤也

乃撫于魚腊俎注今文撫為揅○今文二字續通解作古文

祝易爵洗酌授尸○授監本譌作受今依石經及教本改正

主婦受爵酌獻二佐食○主婦監本譌作主人今依教

本改正

賓長洗爵獻于尸尸拜受賓戶西北面答拜○戶監本  
謫作尸今据別本改正觀下節主婦戶西北面拜送  
爵句尤足證尸字之謫

主婦洗于房中疏士受致自酢又致○監本脫酢又二  
字臣紱按特牲饋食禮主婦致爵于主人自酢主人

又致爵于主婦補此二字其義乃全

佐食設俎于豆東羊臠豕折羊脊脅祭肺一○教繼公



云此肺臍羊肺也祭字誤衍爾

主婦升筵坐注饗於丈夫○丈夫監本作大夫

臣紱

按

此謂主婦故對丈夫而言丈夫則兼尸賓非專指大夫也

儀禮注疏卷十七考證

刑部侍郎

臣

周學健謹言按儀禮一經自宋熙寧

後不列于學宮學者又苦其難讀故治之者頗尠  
版本之譌謬視他經尤多現行者明國子監本與  
毛鳳苞汲古閣本魯魚亥豕大約雷同外則朱子  
儀禮經傳通解黃氏榘儀禮經傳續通解楊氏復  
儀禮圖敖氏繼公儀禮集說諸本採取刪節俱非  
鄭賈之全書敖氏所存約之又約而經文差為可  
據經文以開成石經為高曾之規槩然亦不能完

善無誤石刻固足以勘諸本之是非而石刻之是非則又當以諸本還而勘之者也陸氏德明釋文唯於不常見之字與字之有轉音者傳之音義每舉經注一字間有數字比連亦可因此偶有推尋焉賈疏文筆本多冗拙加以顛錯紛拏盈紙觸目黃氏楊氏雖間有訂正而未及十之一二也

臣學

健與

臣

李清植

臣

程恂

臣

吳紱等奉

命校刊既据諸本別其異同決其是否於踳駁疑難之

處更反復其意理究析其指歸凡所引用者必考其傳注之原文上下章若前後卷交相關發者必考其相因相變之所自顯有證佐確然無疑者改之其不可稽者則闕今竝以列于卷尾其或監本雖謫毛本已正及更易隻字虛詞人人望而可知者則不盡著也

臣學健謹識

